



西華先生半

山藏

稿序

書齋藏

予同年廣東觀察王公德數稱
從兄西華並暘谷風神藻雅當
於晉之王逸少唐之白香山無
以異者予竊嚮往之數獲締交
云已而西華先生沒其子寧國

半山藏稿

序

一

使君光蘊遣使函先生詩文稿
二十卷屬予序予再拜稽首而
誦之颺言曰大較先生澹宕不
羣故其蒔為詩歌文章之什雖
第進士軒冕仕路而其心固已
冷然遊於丹山綠水紫芝瑤草

之深古所稱物外司馬是也其所首可攷見者半山賦賦之所次湛天池浴日月羅巖岫珍泉石與夫盤桓謝眺清嘯孫登即其中所醞釀處故其珥筆抽毫所嚮燦然憂金石掉雲霞鏗黃鍾鳴大吕令人讀之若將入少室終南之宮而與角里綺季相為揖讓其間他雜著上下二卷尤為卓犖個儻可謂碣石蓬島之邃而與世之游氛浮埃杳不相及嗟乎茲固當與日月俱遠

傳之無斁者已是为序
萬曆己未夏五月既望八十八
翁歸安茅坤頓首書

王西華先生半山藏稿序

貴富壽考文章功業之類物之美者人爭取之矣夫美物必有神焉司之物忌完取忌多天之數也人之情也孤庸之子憤其獨立爭之旦暮之間于數者偶取一焉而沉頓歲年剝刻筋力精已耗矣遑及其餘故欲嘗易足而取于天者嘗寡開敏賢智之士饒姿才廣方略其意氣無所不之造物之內苟有以為美者則高才先之矣且世開敏之士多世族焉出也貴富所自有矣宮廬服輿食飲聲色之奉宜有以過人孰非天之寵與既已飽此又侵彼焉生人之情曷有已乎

與者忘少取者忘多不讓人以贏而
留鬼神以餘所得滋多其損也滋甚
夫貴官顯爵殊功偉伐高才能文章
名譽驚絕皆造物之忌也有道者之
所不兼取也博物多才美詞華剽剝
今古又文章之忌也作者之所不出
也蘇子瞻云楊雄好以艱深之詞文
半山藏稿一序
二
淺近之說夫楊氏之學亦復不淺矣
露文白意淺而出之即子瞻亦當引
心自負竒博不肯捨置千載而下猶
未免為人所窺謂才勝而不能降學
博而不能割斯亦多取之報也郊大
夫五君刻其尊人西華先生藏集于
衙齋余得以觀焉所為詩若文大要

性靈發之嚴于矩尺絕無虛華蕩肆
之態似代之爭工于形似者初先生
投藁篋中曰吾無意于文何以示人
夫古之論文非能為之工乃不能不
為之工而鼻州之銘先生也亦曰幾
不盡秘乃有文言深于先生之意可
以知文矣先生連代為貴人世其學
登第四十季居官僅八歲退而老于
半山故所讀書處蔬食布衣吟誦不
廢若諸生先生之取于世蓋多所不
盡之思也郡大夫為廉吏一介不取
王氏之長此物此志爾眾之論先生
也以行以文余之論先生也以意夫
意有所不盡取者君子之所以還造

物而詔後人也

明萬曆庚子春季吉翰林院編脩宣
城湯賓尹撰



半山藏稿

序

四



錄半山藏稿紀語

先中憲公潛心嗜學不以寢食廢林居長年日
惟研析經傳旁及諸史簡端札記類以赫蹏積
之累帙矣所爲詩若文出於酬應紀遇投稿篋
中未集也孤間請錄公曰方今作者如林藻潔
侘於海內吾無意於文何以示人哉孺子且休
矣籍令假我歲月得於山中理故業或稍稍次
而藏之可也卒卒未得間而公謝世孤發遺篋
視之泫然不能讀旣而戚然思曰前稿存者多
半山藏稿六紀語

二

王志

補綴日且脫落久之能無逸乎深以爲懼乃手
抄得賦二首詩六百四十首按歲編不爲類文
二百首次以類合之凡二十卷公家食時嘗讀
書半山迨歸老日從燕憩蓋聚精游神于茲山
也集成將歸之山中藏室因題曰半山藏稿夫
常公之經傳於玄成楊氏之學世於長孺孤蹇
淺寡昧愧紹家聞感竹素之存而抱蓼莪之憾
何忍於校錄哉惟公學行不詭於先民籍手是
編以丐言於名家庶以識羹墻而圖不朽云爾

若違公夙命而以示人則孤之罪也夫孤之罪也夫

萬曆十六年戊子秋日不肖男光蘊百拜謹書

男光薦

光普

姪光美同錄

半山藏稿
入紀語

二

王憲使西華先生半山藏稿目錄

永嘉王叔果育德著

後學宣城梅鼎祚校

卷一

賦

半山賦

東山賦

卷二

詩

癸卯春日山居

溪亭小集

半山藏稿入目錄

山中柬友人

山齋聽雨

改闢山園

登東昌光岳樓

壽鄔都闔母

甲辰中秋臥病次景暘姪山中見貽韻

怡齋爲歐陽公賦 九日游龍潭

送張文洲司理遷京兆

乙巳暮春入山 山居午睡起

東張蜃江表兄 繚碧園成諸友小集

改築山池成移菊集賞有懷仲弟不與

菊下小酌

山堂賞菊

梅軒爲孫君賦

龍翔寺贈石室上人

壽張石川納言

贈地師余慵菴

丙午春日游仙巖梅雨潭

訪蔣雲峰山居

過雲頂寺

山齋夜坐

臨池初築小臺同諸

友晚集

東樓晚眺次景暘姪

弟姪輩赴秋試余病目樓居悵然有作

哭景銘姪

九日游雙溪

半山藏稿入目錄

二

京口夜泊

寶應湖

清河早發

淮河旅夜

宿遷早發

宿遷阻水述懷

沛上有懷立德弟景暘姪

贈羅蒼埜陳月湖 閘河阻雪

歲暮望臨清不至

舟中觀景銘姪遺筆志感

臨清除夕

丁未早春

武清道中

望京城

出京別鄭秋江

東同舟諸友

天津舟中次暘德弟韻呈陳東冶王曉山

梁月川

舟中觀楊柳梨花

王曉山招飲次答

次陳東冶韻

舟中對月有懷黃南華年兄竹巖家叔

歸途紀懷次王曉山韻

臨清聞警

南還睠念山居言懷詒同志四首

舟出閘河次陳東冶韻

半山藏稿

目錄

三

淮上與陳東冶王少冶梁月川分舟短歌

贈之

夏日雞鳴山房

晚步

齋居

憑虛閣

鷄鳴山贈秋厓上人

登報恩寺塔

燕子磯弘濟寺紀游

書鴻鵠高枝卷贈如臯尹劉君

雨花臺

晚宿報恩寺翼晨游天界碧峰諸刹

遊牛首山

獻花巖

自牛首晚過祖堂

宿祖堂贈海天禪師

游靈谷寺

書文溪卷

游徐錦衣西園

書山海圖慶楊封君杜夫人雙壽

贈周洞巖劉見西張葛野諸同志

雙壽詩爲楊太史父母賦

郭東逸叟

別楊方石歸西川

讀盛山汪公詩

別汪大池歸蜀

書貞烈卷

碧泉爲毛君賦

半山藏稿
目錄

四

慈節堂卷

丁未九日永康舟中

卷三

詩

戊申早春山居

寄徐湖濱

石室上人將入定過予山中言別賦贈

贈周芝澗

山房病餘讀叅同契

書濟川舟楫卷贈郡司理黃公擢南戶部

松下騎驢

端午觀競渡

游杜鵑

九日騎驢登前岡

張南明表兄過訪山中酌月

招陳友山林後山登高

巳酉中秋沙城觀潮

九月望夜步月觴松下

由峻壘入城

游尖山龍聖寺

龍翔寺訪石室上人

飛翠樓

壽封君項翁八旬

重慶四壽爲少叅譚公賦

庚戌恩榮宴次韻 贈鄭司諫督學江右

半山藏稿

目錄

五

出郊

晚憩華嚴洞

碧雲寺宴集

香山來青軒小酌

同年沈繕部遣酒殺至香山走筆謝之

賦得一清泉送陳一泉南歸

送戴金峰司教

壽計庫部尊公

題畫竹

送座主閔公督學山

西

送鄭晴川南歸

岫雲詩

七月望京邸對月

雙壽詩爲陳龍白太史父母賦

贈江右江翁

送葉鹿門唐府良醫

送王南山貳寧州

部試秋月

聖旦早朝

天壇東鍾郭溪年兄

芝麓春榮卷

中秋東華弟官舍

荅項思湯

書安愚卷

懿德流光卷

送張南溟南歸

送金存菴南駕部

題北源卷

茅山紀游十二韻

卷四

半山藏稿

六

詩

辛亥春日同何春泉掌科林新菴中舍游

西湖

中秋縉雲公館有懷

丁孤山憲副招飲西湖

維揚待張甌江表叔

登金山寺

九日維揚聞警感賦

淮水汎溢訪友紀事

書巖野卷

張甌江新製拍板

甲寅秋日游仙巖訪

石室上人

茅竹山菴作需于亭

題龔郡公鴻洲卷 題竹嶼卷

抱病村居郡侯龔公見訪

鶴林亭成宴集 書萱桂同春卷

諸兄弟集水心別墅

秋日過仙巖 乙卯二月七日游仙

巖是日賤生四句

芳洲歌 仙巖別劉羽泉年兄

行駐良鄉次暘德弟韵

送詹範川改任中州

半山藏稿 目錄

七

送曹二尹之無錫 送章觀海分教延平

送王松臺判泰州 贈王大峻同年貳臬

蜀中便道歸省 送林中洲判宿州

贈陳水心星子簿 丙辰武舉場試

雪夜汪龍洲過訪 贈吳老峰之廉州

壽王少冶尊堂 書月洲卷

次見鶴兄病起韻 送張少南貳臨清

平陰東梁後川 丁巳冬日登泰山

留宿泰山 泰山遇章二守同宿

贈泰安守徐頤齋 闕里謁孔廟

謁孔林 登嶧山

戊午早春過呂梁同年王育泉留酌

呂梁南望 武林邂逅康裕卿

雨中同李五華張蘆村二廉訪集太虛樓

金華道中 過馮公嶺

仙巖坐超覽亭 夜宿仙巖上方菴

同仲弟避警上方菴

九日同周迪齋郡守游四明育王寺

半山藏稿 目錄

報國寺贈懷西上人

已未會試院中賦 書抗義流芳卷

送邵玉潭令海門 送周東海令瑞金

壽同年陳蘇山母 送蔡敬齋廣西少叅

送項思文判沔陽 贈張少蘭表弟南歸

已未再試武舉賦 南司徒蔡可泉徙官

過家壽母 送都護劉漢瞻襲職

歸 送况丹湖督學貴州

贈李少渠中翰使楚藩

送余司教蘄州

送朱鴈湖丞鹽城

壽鄒東郭先生

魏掌科受封歸省

送劉舉人還廣右

庚申秋過居庸次盧

文溪先生壁間韻

閱兵畢兵憲粟健齋邀登八達嶺

福泉寺同紀省吾年兄晚酌

同紀兵憲閱兵過喜峰口紀事

碧潭雷總戎之子年少善射賦贈

同孟職方燕觀海亭

半山藏稿

目錄

九

永平謁夷齊廟

宋粟菴節推留欸清

風臺夜泛河上

題王揮使甌西卷

送何賓巖守潮州

送高西渠德藩長史

辛酉初夏同余王二金吾徐工部西郊宴

萬錦衣園

題太史葉瑞峰冊

贈萬廷尉榮封

贈曾寅丈尊公

申潞石寅丈見訪

送許中翰奉使歸省

寄趙霞山

壽庫部蔡蒼宇父母

送大官丞蓮岡族姪

送王甌涯分教寧化

送蔣龍谷分教衡州

壬戌自武選轉官楚藩過汶上述懷

月夜登烟雨樓
北還寓西湖藕花居

晚同葉益泉俞紹翠泛湖

夏晚集仙巖憩蓮亭

癸亥春初至郢中適戴金峰解官歸賦贈

行部當陽晚過龍泉寺

過景陵聖臺寺
書風梧咏思卷

半山藏稿
目錄

十

豐樂驛新成上元日晚至

恭謁顯陵
過黃州同劉節推游

赤壁

卷五

詩

甲子春行駐錫山上乞休疏

秋日赴鴈山道遇朱靈谷宿能仁公館

雨後登山歷觀諸勝

大龍湫

靈巖寺

靈峰洞

見鶴伯兄新構小樓

清曠絕塵尤宜對奕步蘇長公韻

九日鶴林東見鶴兄

晚坐望雨

乙丑夏會吾邑鄉同

年次韻

題興仁亭

爲汪少尹題畫

贈地師何東泉

蒼林雅集

秋日纂邑志白塔僧

舍感作

白塔夜坐對雨

丙寅秋日游白泉

大若巖

半山藏稿
目錄

十一

傅巖瀑

九月望仙巖次立德

弟韻

丁卯春日同王海壇

王九嶽過仙巖觀諸僧入定

仙巖寺叅禪贈肅巖隱峰二上人

送孫邑博遷建陽尹

題項泉村隱居

壽陳西厓七旬

贈朱瑞安遷惠州倅

暮春晦日王九嶽招游浦東別墅

羅浮章山襟江樓

東園紅紫牡丹盛花

園亭芍藥盛花而開頗遲携酌小集時聞
仲弟奉使將歸 立德弟久病賦懷

東園漫興貽程東泉

春晚與見鶴兄坐鶴林懷陽德立德二弟

園藥盛開賞之

九日仙巖答立德弟

東園賞菊

送趙友石寧波司理

戊辰秋大德寺叅禪

題東甌頌德冊

贈竹賓高士

題孫君水泉卷

題屏山卷

半山藏稿

六目錄

十三

悼項爲齋

送莊心壺游武夷

贈翁三益

次吳來源東園賞菊

贈地師徐鎮溪

己巳冬日同吳來源

游仙巖

侯四谷詒問禮庭詩

庚午春張貳郡過甌會餞五馬園亭

謝鶴林惠新茗

吳來源寄詩次韻

族兄東岡翁冠帶

仙巖流觴亭柱聯

贈胡螭江都閩

齊壽重封

辛未春游楠溪諸鄉

游鶴巢洞

送明巡檢歸大同

仙巖寺作西方樂

風木遺思

壽石室上人

華麓山房歌

秋日過華麓山房

次張兵憲東園賞菊

裕齋公惠天鷲

壬申春張郡侯游仙

巖以詩見詒次答

送隱峰上人歸白龍山

輓郡侯張公

瑞麥詩爲區郡丞賦

墨池芙蓉五月發三花

半山藏稿

十三

瑞麥詩爲伍邑侯賦

東園牡丹壬申九月偶發一花

九日雨集竹巖叔宅

江心寺餞兵憲張公

巖中川姊丈得曾孫

仙巖虎谿橋成

流觴亭晚酌

癸酉春游翠陰洞

節壽篇

竹巖叔作亭謝客巖春草池邊命賦

壽李石麓相公父母

甲戌春陪區公游仙巖

兩蓮公解官次別 橫塘泛月

侯二谷方伯於郭公山將構亭次韻

乙亥東園牡丹 陪郡公賞牡丹

初夏同景顯景龍姪登郭公山

壽吳雲泉 九日同姪輩游天柱

寺

冬日游東谷菴

春風亭

壽楊郡公祖母

題范節婦墓石 蒼木德弟見懷

半山藏稿 目錄

十四

鴈川叔集竹巖叔水月山房次韻

雙洲詩 壽蒲封君

送楊先生教澧州 亦山詩

壽碧山弟

卷六

詩

丁丑元宵觀燈歌 荅桂坡宗兄

題宗兄龍洲書屋 貽景龍姪種菊

村居次希善弟韻 贈徐二尹

樹萱堂歌

荅槐所宗弟

咏春所弟宜睡窩 泛湖次鴈川叔韻

送楊郡公入覲 巽山塔成登眺

次龔兵憲魁象亭韻

龔兵憲集巽山亭 龔公招飲巽山不起

東山冠華亭新成次竹巖叔韻

壽中丞竹巖叔 仲弟自吳攜雙鶴歸

鴈川叔借養次答

小溪詩 寄京衛揮使馬應乾

半山藏稿六目錄

送許司訓新會 壽北川陳翁八旬

荅寧泉宗弟 荅靜川宗姪

次荅桂坡宗兄 西川叔壽七旬

咏雞冠花 立德弟邀諸郡公九

日賞菊次韻 景龍種菊賦詩九章

次鴈川叔賞菊韻 兵憲龔公過六弟家

看菊賦詩次韻

恬蒼有警隨報解散次兵憲龔公韻

贈總戎王寶江 贈常輝上人

題東南紫氣卷

壺峰林翁壽七旬

東園青旭樓

爽然臺

壽雲峰陳翁

特簡徵書冊

送陳龍濱歸雲間

壽常熟袁翁

宿休涼菴

巳卯春日同諸兄弟

集江心謝公亭

送陳環溪公貳栝郡

答見鶴伯兄

中秋病述懷

上川新祠成答木德弟

九日攜酌鶴林

寒松詩

半山藏稿不目錄

去

贈司理官公

答鴈川叔謝遺鶴糧

再用前韻述懷

次鴈川叔東游韻

村居卽事

夾竹桃俗名壽春因

以名堂

送張文復秋試

送洪霍山游荆楚

訪常輝上人延暉樓

庚辰春游雙溪安仁寺

答鶴溪宗兄見詒韻

答渭川宗弟

藏雨樓

次答曹子念

鴈川叔六旬載賦長

言

過金罍福聖寺

題永慕堂

寄京衛揮使馬水東

同希善弟景超姪遊東谷菴

過玄谷有感周君

贈石虛白醫師

送冒司訓之淮藩

答哦松叔貽詩

除夕疊前韻

辛巳春日同兵憲吳

韞菴公宴集江心浩然樓

元宵東甌王廟觀燈

村居偶成

題晴江獨釣圖

半山藏稿

目錄

十七

壽詩

世善圖詩

壽養拙兄七旬

書昆陽紀德卷

贈寫真者

壬午春暮病起郊行

西郊騎驢口占

遣役脩塘作

八駿行

三鳳行

五桂行

龍劒行贈張文復秋

試

壽可蘭汪翁九十

秋日暘湖泛舟

過康裕卿墓

仲弟六弟夜集東園

東園賞菊

郡公過東園看菊

卷七

詩

癸未春過暘湖

江心寺新門樓

遊仙巖

東張志菴于半山

贈大懶野仙

再贈大懶

贈譚司獄

次汝顥弟韻

村居卽事

答吳來源遠過村居

訪言孫讀書雙溪

答張南明表兄

半山藏稿

六目錄

十八

過諸姪水月山房

贈翁少益

暘湖族諸老宴集

壽周左海

壽瑞南林翁

景超姪招賞菊不赴

訪張志菴山中

貞壽篇

輓國揚弟

諸兒新酒熟戲占

贈孺川胡君

甲申夏暑香亭賞蓮

贈周君受

書思永冊

部檄訪遺逸次答

風雨異常漫紀

贈同德弟六旬

重新半山墓廬

九日寄山中諸君及蘊兒

景暘談半山舊事

贈朱君孝

作惜陰館

作陶策軒

蘊兒於半山脩復亭臺舊蹟重過有作

秋日集觴詠亭

題勒半山巖壁

闕華陽洞

栢舟厚載冊

輓朱松谷

壽程東泉

除夕病中作

乙酉壽族父西澗叔

吳儂歎

憫竈

半山藏稿

六目錄

十九

村居志感

做辭示兒輩

戒約

趙節婦詩

蘊兒携言孫輩讀書中羅山房過訪賦示

山中繚碧園亭脩復喜竣同兒蘊游眺

夏日載過半山

哭季芳姪

壽邵三泉

哀二賢詩

贈族子乙酉秋試

山居閱邸報

九日寄言孫半山

書雙節冊

暮秋宿中羅山房

過龍潭寺

第二橋建水閘成 貽陳克珍

除夕感懷

丙戌春石壇治生壙

壽婁屏山

後覺上人南鴈來訪

惜春詞

夏初卽事

贈統上人

咏陽湖四景

與用敬姪談靜功

九日游半山

贈朱虛谷東游

漁潭禪院贈山上人

贈陳德瑞孝行

游五美園

送瓊玉膏與用敬

丁亥春半山訪蘊兒

半山藏稿 六 目錄

三

三月旣望曾孫生

暮春山居

華蓋山大觀亭賦

贈林松坡

半山靜宜閣成

同兒輩集觴咏亭

靜宜閣聽雨

霽後至溪上

溪亭晚憩

山門晚酌

湖堤晚步

天池臺賞荷

湖上泛小艇

過覺海菴

輓翁三益

九日茅竹山登高

戊子上元宗祠觀燈

卷八

疏

行邊復命疏

乞休致疏

再乞休致疏

請築堡疏

表

賀登極表

賀長至表

卷九

序

京營紀序

承天府志序

半山藏稿

目錄

三

永嘉縣志序

重脩王氏族譜序

鶴陽謝氏族譜序

何公日記錄序

水節流芳集序

葉雪坡集序

暘湖小志序

贈督學朱公序

贈劉留後予告序

贈郡侯李公遷都運序

贈程侯遷戶部序

贈黃侯守黎平序

贈司理程公序

贈郡侯楊公入覲序

贈劉侯奏績序

贈郡侯衛公入覲序

贈陳大夫入覲序

贈吳公陟叅政序

贈楊先生掌教序

贈總戎陳侯序

贈都指揮胡侯序

贈胡侯應召序

贈司理潘公應召序

卷十

序

壽封郎中張公序

壽葉少山先生序

壽侯二谷先生序

壽東厓林翁序

壽陳翁序

壽壺峰林公序

壽族父西澗翁序

壽竹泉宗兄序

半山藏稿

目錄

三

壽族父鶴川公序

壽太夫人劉母序

壽封一品夫人張母序

壽封淑人張母序
族母姜安人旌節序

卷十一

記

江心孤嶼記

仙巖記

遊鴈山記

陳止齋先生祠堂記

王謝祠記

瑞麥堂記

靜宜閣記

林氏家祠記

碑文

平陽彭侯去思碑

瑞安朱侯遺愛碑

京山孫氏墓田碑

卷十二

雜著 上

論學示家塾

與用敬姪論調息

家誡論五

論易家人卦

讀道德經二

尊德性道問學說

儉說

忍說

半山藏稿 六 目錄

二三

乞醯說

雜說

卷十三

雜著 下

東西二周考

恒山考

朝鮮高麗考

族譜小序

題思邊將略

書小塘承考卷

彭江臯遺稿跋

三檜堂卷跋

書槐陰集跋

書盧氏族譜後

公會約

會約

祭七約

卷十四

書牘

奉羅念菴先生

奉宮詹程松谿公

奉方伯胡慎齋公

奉大司馬張東沙公

答莊石山公

與申潞石考功

奉楊虞翁

與鄭鄒山駕部

與張虛江掌科

奉座主閔公

與高鹿坡同年

與陳蘇山同年

半山藏稿
目錄

二五

與李五華同年

與祝華封少叅

與程景山邑侯

與吳繹泉憲副

與劉羽泉侍郎

答洪芳洲公

啓薛方山先生

謝方山先生

答谷近滄中丞

與張嵒崧撫臺

與鄭鄒山方伯

答莊梅谷翰林

答司寇舒繼峰公

再答舒繼峰公

與王雲澤總漕

與汪南明司馬

答何心泉少宰

卷十五

傳

冢宰何公傳

家傳

內傳

行狀

先叅議厓翁行狀

先宜人行狀

卷十六

墓誌銘

明故豐城侯緝菴李公墓誌銘

半山藏稿

天目錄

三五

故上海訓導海壇王公墓誌銘

故處士一鶴林翁暨朱安人合葬墓誌銘

故泰州倅鳳南金公墓誌銘

故鄉賓瑞南林公墓誌銘

卷十七

祭文

祭文昌祠

築海塘祭江

祭漢東甌王

祭宋胡文定公祠

祭歐陽文莊公

祭李封君

祭舒健菴學憲

祭高封君

祭學士華鴻山公

祭鄭秋江

祭外父林翁

祭姜四山

祭陳雪峰公

祭查近川京兆

祭王海壇司訓

祭林虛白內兄

祭侯少谷

祭陳翠谷封君

祭族祖尚書渠翁

祭族祖南村翁

祭季父寺丞公

祭中丞竹巖叔父

祭西澗叔父

祭給諫東華弟

半山藏稿天目錄

二十六

祭僉憲九難公

祭從兄見鶴公

祭景銘姪

祭經元景昭姪

祭李太夫人

祭叔祖母邵恭人

祭族母葉安人

祭族母薛安人

祭先嫂張安人

祭弟婦張安人

卷十八

箴

左箴

右箴

四戒箴

四維箴

戒殺生箴

銘

硯銘

漏銘

日晷銘

小鐘銘

石磬銘

酒器銘

大理石屏銘

梳匣銘

大德寺鐘銘

贊

老子像贊

西王母圖贊

半山藏稿
六目錄

三七

侍郎卓公像贊

先通政橋翁像贊

鶴溪公像贊

小像自贊

卷十九

雜文

贈郡侯李公帳詞

贈郡侯楊公帳詞

贈邑侯王公帳詞

贈邑侯伍公帳詞

致大司馬楊公啓

代致徐相公啓

世司馬坊上梁文

海山鍾秀坊上梁文

兄弟進士坊上梁文

東甌王廟上梁文 宗祠門廊上梁文

上川祖祠上梁文 堡中新宅上梁文

左宅上梁文 建卓公祠呈

建興吉華盖塔呈 修資福寺募緣疏

修仙巖寺募緣疏 修寶巖寺募緣疏

卷二十

條議事宜

與當道議鹽法 與當道議漁稅

荆西賑饑事宜

半山藏稿 六目錄

三六

半山藏稿卷之一

永嘉王叔果育德著

賦

半山賦

有序

王伯子叔果蚤歲依母宜人丘隴脩業山中耽寂忘年寤遊挾勝泉壑幽邃亭之臺之林麓榛莽徑之圃之叢蔭芘於靈區芳聲振於空谷入仕以來日就荒落幸以投閒之遂稍身葺理之勞頃緣風雨悵靄飄搖爰屬計於兒曹乃增飾夫故緒爲門爲徑爲洞爲湖中羅之境易觀考槃之樂可託漫述短賦以告山靈

粵大羅之蟠鬱兮表東越以彪靈駛半山而宅區兮排疊嶂於青旻屹崇岡之巨護兮渺入望於滄溟湛天池之浩蕩兮浴日月而耀明匝林塘以合秀兮涵萬象於虛清美玄丘之卜藏兮標物色於圖經敞精廬之爽塏兮羅巖岫於踈櫺蔽松蘿之暝翠兮紛霧滄而霞蒸旣辛勤以

半山藏稿

卷一

一

王志刻

羨課兮亦宛轉而披荆兼游息於藏脩兮珍泉
石之嬰情繚碧爲園兮曲澗浮英振衣爲臺兮
峭壁紆青廚脩竹而羞醕兮俯平厓以濯纓啓
杳石而穿洞兮肇錫以華陽之嘉名睠流泉之
飛灑兮噴四壑而雷鳴瀉沙溪以瀦滙兮瞰潭
水之淵澄爰觴咏而結榭兮稱最景於斯亭繫
吾生之寡諧兮寄夙好於幽貞相煙霞以托迹
兮狎魚鳥而忘形舒盤桓於謝眺兮擬清嘯於
孫登甘仲氏之樂志兮齊子真之耦耕抗玄風
半山藏稿 卷一
二

於高朗兮將茹素而遺榮俄世網之我羈兮嗟
浪跡之猶萍悵猿鶴于空林兮遡長風而拊膺
幸遄返乎初服兮念故業之飄零理芳構于巖
居兮追釣游而締盟已矣乎曩余栖此山兮將
矢言于弗諼也胡時事之偶違兮乃荒索而中
睽也頃屏絕以適茲兮從吾好而卒歲也採春
穠兮芳菁聽谷鳥兮嚶聲蔭夏木兮忘暑踏層
壑兮如冰擷蓉菊兮秋豔浥玉露兮泠泠策寒
梅兮小嶺嗅暗香兮素馨晨昏兮風雨水月兮

洞雲浮蓮舟兮湖上傾尊酒兮巖砿覲宇宙兮
寥廓飽泉石兮幽襟追英賢兮晚節將綺皓之
齊稱樂由夷兮蔗景聊屬志於後生感今昔之
流晷考槃邁軸試勒夫中羅之銘

東山賦

有序

吾郡環九山而城志稱九斗東爲華蓋山
山之麓爲太玉洞天有墨池里晉王右軍
守郡時洗硯處也先少叅東厓翁往讀書
于茲愛其勝晚歲遂卜居焉頃仲氏陽德

半山藏稿

卷一

三

甫闢地爲園引徑通華峰時從登覽庶幾
家山矣乃以暇日賦之辭曰

繁名山兮九斗聳華蓋兮摩空兆雄城兮白鹿
蟠瑞氣兮青虹開洞天兮太玉濬靈源兮流淙
渟墨池兮飛霧恍逸少兮詞鋒紛綺疏兮萬井
爛金相兮祠宮簇繁華兮烟市藹蒼翠兮空濛
標幻跡兮三生之石挺玄區兮五粒之松燁飛
霞兮丹洞浮石龜兮巖拱林鍾梵樂兮依微噓
應紫芝瑤草兮何彼鮮穠榜通真兮靈素化容

成兮仙翁隱巍峰兮構宇鬱佳氣兮龍葱竦孤
亭兮絕頂舞鳶鶴兮天風吸長江兮一碧萬頃
繚川原兮壘嶂千峰媚孤嶼於中流兮弔文山
之孤忠渺石門於廻浦兮想謝公之遺蹤挹羅
浮兮瑤島曬文筆兮崆峒彼北固之枕江兮城
鐵甕而稱雄伊吳山之鉅麗兮表勝槩於寰中
美茲境之足媿兮顧遐僻而蒙茸兼山林於城
市兮幸卜勝於先公家園窈窕兮華徑迤通竹
樹蔽虧兮最景誰同羌余生之微尚兮夙托志
於冥鴻賦歸來而遯跡兮擬大隱於墻東癖烟
霞以寄傲兮奚羨素封快茲山之跬步兮登眺
時從集耆英之會兮孰誇司馬侶江湖之散兮
不數龜蒙繼芒鞋兮筍輻振玉塵兮詩筇餐松
栢兮貯蘿薜茹芝朮兮褰芙蓉林塘賡咏兮池
草春融丘園籍賁兮樂付天工採清謠以矢音
兮白叟黃童儼鶴馭於厓東兮仰止無窮

半山藏稿卷之二

永嘉王叔果育德著

詩

癸卯春日山居

捲幔春歸燕焚香晝掩扉齋居忘世慮靜悟識
天機雨積滋苔蘚雲深長蕨薇蹉跎時序改徒
倚惜芳菲

溪亭小集

山中霽景佳况值清和節平崖翠欲流峭峰青
半山藏稿卷二
可擷灌木結層陰玄潭湛寒潔臨池任逍遙登
臺更披閱翠笋不停揮青衿儼成列咏歸趨中
林斜陽在巖穴

山中柬友人

振屣飄飄遡列仙芳游喜及暮春天登高漫擬
停雲賦招隱還歌伐木篇幾樹香塵松炬日一
林空翠竹浮烟飛觴吾有蘭亭集乘興誰移剡
曲船

山齋聽雨

倚枕候鷄鳴淅瀝雨聲曉玄陰鎖巖霏緒風振
寒篠展卷對爐烟虛齋絕紛擾抱冲境逾幽屏
息神還悄悄彼白社盟言寄青霞表悵然念世
囂窮年詎能了

改闢山園

養痾事玄脩抱策沿清瀨引泉自巖阿宛委若
紆帶藤蘿翳短垣烟霞敞空界荷鋤坐松根爲
樂且忘懈選勝愜素心探幽自足愛於焉任逍
遙散步斜陽外

半山藏稿

卷二

登東昌光岳樓

北城一別三千里東郡初登百尺樓玉碣金楹
跨紫陌彤雲瑞靄接神州坐瞻岱嶽寰中眇俯
挹黃河掌上流惆悵南天還極目甌山易水兩
悠悠

壽鄔都閩母

繡閣娛初度轅門早乞身投戈逢盛世戲綵屬
芳辰王母傳瑤果麻姑薦玉津年年挾仙侶共
醉綺羅春

甲辰中秋臥病次景暘姪山中見貽韻

零雨灑秋夕遙空淨埃氛出門展晚步愛此涼
月新明星隔河漢感之惜離群負痾經時月懷
抱多荆榛屏書息交游兀坐無一欣服藥求去
病何辭苦與辛羈迹在樊籠焉能謝世紛由來
曠達士玩世洽隱淪葆光衡門下洗耳清溪濱
隆中臥諸葛谷口棲子真吾自秉微尚寤寐惟
古人玄度邈難覲千載有遺芬烟霞本夙好思
欲躡清塵謁來秋氣佳矧茲風月辰脩脩北窓
半山藏稿天卷二

三

竹靄靄東岡雲舊盟豈不念其如孱瘵身山居
茹玄潔可以頤元神感子招隱意何當報殷勤
床頭發新釀一觴聊貺君無緣赴清賞千山搖
夕曛

怡齋爲歐陽兵憲尊公賦

習隱渾忘世遺榮蚤息肩久稀青瑣夢終締綠
蘿緣種菊追陶令捫松訪葛仙雲林同豹隱霄
漢看鵬鷺有美昭來許何妨白未玄彩輝萊子
服青印廣文氈堂古槐陰匝簾垂日晷延靜依

高竹坐閒據梧眠鱸膾因風憶龍團帶雨煎
林端鳩杖出花外鹿車旋曉日靈山屐春風薜
瀨船徜徉多樂事導引得仙詮肥遯心逾逸冥
栖道自全逍遙觀委化潦倒欲逃禪瑞氣通瑤
島靈根種福田芝蘭芬可擷龜鶴總忘年

九日游龍潭

共結茱萸會行叅鸞鶴羣曙林開霽色秋水燦
霞文寶地三花聚懸厓一徑分神龍栖息處顯
氣正氤氳

半山藏稿 卷二

四

送張文洲司理遷京兆

有美甘陵彥分符越水湄家聲傳紫綬道化洽
黔黎政比劉寬恕人懷邵曄慈詳刑歸克允蘇
役頌平施草野流膏澤閭閻絕繭絲松筠堪並
操水鑑信無私六善殊功奏三河妙譽馳循良
標漢史豈弟詠周詩錫典頒烏府徵書下鳳墀
子容膺士望若水受君知寥闊青雲武孤高玉
樹姿行舒千里足快覩九苞儀梓里榮新渥桐
鄉繫去思羊公有遺愛應勒峴山碑

乙巳暮春入山

別此方歲寒茲來韶景淑叢篁翳繁陰庭宇闕
清穆巖花間色開迎風散幽馥徘徊恣賞心應
接無暇目踰時坐塵羈到此如脫桎束書未及
觀披拂趨南麓松下逢山翁殷勤敘寒燠矯首
指斜陽聲聲招黃犢爲言豐林中有虎踞巖宿
日暮不可留清晨訪茅屋

山居午睡起

偃息惟高枕恬然午夢清一真還自悟萬慮寂

半山藏稿

卷二

五

無生山鳥催耕候風篁解籜聲因之感芳歲呼
酒坐前楹

山居東張蜃江表兄

積雨空山寂相思隔暮雲
竭來頻入夢倏爾念
離群滴硯收花露
褰帷引蕙芬何當來玉塵
尊酒共論文

繚碧園成諸友小集十二韻

玄圃迎秋闢靈源引望長紆青來几席分碧自
天潢水學環滁轉山疑繡幄張棲真伴少室選

勝敵濠梁蓬戶連雲翳霞標閃日光賞心多妙
善卽座列幽芳鳥和松簧奏花臨水鏡粧載賡
康樂詠試引永和觴列籍依清淺褰衣躡莽蒼
蘇門方寄傲彭澤已開荒對境心如洗探幽願
獲償高朋時宴集清詠託求羊

改築山池成移菊集賞有懷仲弟不與

對菊延秋賞臨池命曉筵何年鑿鬼斧此日滙
仙源雲瀉朱欄淨波縈錦石聯凝流浮碧玉浴
景倒青蓮信美茲辰憩臨風憶惠連

半山藏稿

卷二

六

菊下小酌

種菊蔚成林花時足賞心雲籠千樹錦日耀一
叢金引酌依芳藻閒謠託素琴東籬隨嘯傲千
載仰知音

山堂集諸君賞菊

霜薄園林候氣清寒花三徑別叢英香枝結綠
含風細艷質分黃濯露明攬秀漫誇霜下傑伴
幽宜結歲寒盟共看洛社人方醉更喜湘江賦
欲成

梅軒爲孫君賦

玄冥布重陰郊園變辰序羣卉薄巖威零落自
此始惟茲庾嶺芳獨秀中林起移植當軒隅條
然架寒水迎陽綴仙葩暗香度文几故避豔陽
天不與衆芳齒緬懷貞素姿卓彼幽人履草木
有臭味玄覽悟深旨猗蘭被朱絃說蓮署青史
不聞五柳翁亦有六逸子仰希往哲踪邈矣追
靈軌芬華豈不娛悅茲清淨理卽物寄深情忘
形任賓主結盟歲寒期終焉謝塵縈

半山藏稿

卷二

七

過龍翔寺贈石室上人

遠師蚤出人間世一住空門積歲年海上大顛
長入定湖中琴操竟逃禪珠林坐對談空色寶
地行歌繞瑞烟此日相逢疑隔世輪迴莫漫問
西天

壽張石川納言

昔年奉使下江城海上千花擁旆明九斗雲山
經灑翰五湖烟水獨揚舲玄芝滿地仙英粲青
鳥銜觴瑞彩迎却愛天方池上客茲來芳社會

耆英

贈地師余慵菴三首

江湖萍跡喜初并，尊酒燈前念舊盟。
獨撫青萍指牛斗，遙瞻紫氣在豐城。

予住丹丘踰十年，山中幽勝日攀緣。
仙翁倒杖經行處，木茂風藏賸可憐。

江上諸峰錦削成，兩溪交滙瀉滄溟。
此中疑有神仙蛻，好爲停橈仔細評。

丙午春日游仙巖梅雨潭

半山藏稿

卷二

八

尋真遠泛陟香岑，四壁雲垂淨苑深。
白晝虛潭長作雨，初春灌木始繁陰。
崖文隱約留仙偈，水碧空明瑩客心。
醉倚空林作長嘯，遙天萬籟起清音。

訪蔣雲峰山居

巢壑䟽仙宇，排雲列秀峰。
庭紆青野望，徑繞碧蘿叢。
地界流金樂，泉光隱白虹。
崖傾雲葉綴，筵敞露華通。
狎遯超塵劫，標靈羨化工。
披榛窮窈窕，振策入冥濛。
卽擬趨三徑，還因問七松。
求羊

追妙賞綺皓尚高踪曠達真遺世逍遙欲馭風
歌殘芳渚曲酒罷夕陽中爲問陰霏處人言有
卧龍

過雲頂寺

雲峰晚憩涉平沙更過祇園訪玉華入座香風
繙貝葉緣溪錦石間桃花珠林靜綴三危露金
策行麾五色霞日暮不妨山簡醉歸途好借白
牛車

山齋夜坐

半山藏稿

卷二

九

洞壑春寒悄孤吟對短檠偶因塵俗迫頓覺夢
魂清虎踐深林迹蛙分靜夜聲那堪茲閨寂掩
卷獨含情

臨池初築小臺同諸友晚集二首

仙苑門垂綠蔭稠石臺新築坐來幽眼前諸景
紛如畫試引芳尊次第酬

敞罔踈林散夕霏雙潭合沓瀉清輝晚來嘯咏
忘歸去却信洋洋可樂饑

東樓晚眺次景暘姪韻

窈窕朱楹俯碧流閒居敞見水雲幽良苗過雨
青如抹遠樹連江翠欲浮酌茗燒檀移白日垂
簾散帙對滄洲年來混跡漁樵侶自信忘機狎
野鷗

弟姪輩赴秋試余病目樓居悵然有作

內觀湛清脩支頤坐高閣何處來清風翩翩動
帷幙枕上聽農言起視西田穫婦饁雙樹陰兒
浴晴川曲徙倚寄南窓因之念離索悠悠客路
情胡似田家樂柱下尚玄同莊生稱瓠落鷓鴣
半山藏稿六卷二
十

哭景銘姪五首

吾道何顛顛玄穹信渺茫生才應待用如子竟
淪亡掛劍心長在傳家事已荒遙憐棲隱處灑
淚白雲長

景銘吾益友金石訂交期詎意論心語翻成絕
命辭麟傷尼父泣鵬集賈生悲切抱高山意援
琴空爾思

咄咄誰知已悠悠天喪予華亭孤鶴怨陋巷一

瓢虛正氣收河嶽哀聲接里閭平生同志恨痛
絕五車書

念子渾如夢憐余哭未休蕭條惟隱几寂寞倦
登樓南阮違歡會東山謝勝遊隴雲低樹色似
結萬重愁

矯矯青雲器吾家千里駒騰驤驚汗血忽漫屈
雄圖悶緒雲俱慘游魂月共孤愁聞窓外雨夜
夜灑啼烏

九日游雙溪

半山藏稿

卷二

十一

不到雙溪踰十年偶攜童冠叩西禪入門古剎
荒苔色散迹平蕪落日天菊社風烟悲舊侶沙
洲蘆葦漲新阡蓬萊清淺經秋變漫對芳辰感
逝遷

京口夜泊

地迥風聲震江空月色微棲鳥驚不定旅鴈欲
何依歲暮思彈鋏天寒念卷衣家山千里隔幾
在夢中歸

寶應湖

日轉洪流盪碧空
斷烟踈葦望洋中
北通貢道千艘集
南紀維揚八練融
掛席御風心獨壯
凌波犯斗氣還雄
擬將一簣防天險
誰任中流版築功

清河早發

百丈牽江沂逆流
欄江風色動離憂
令人却羨南歸棹
一夜揚帆下鷺洲

淮河旅夜

朔風凜凜吹歲宴
游子孤舟發長歎
經旬不見半山藏
稿天卷二

十一

南歸鴈長空坐看銀河粲
白雲望斷情何限
故園蘭桂悲霜霰

宿遷早發

一夜天風解凍零
舟人遯遯戒宵征
鄰船少婦報鷄鳴
展轉寒衾夢不成
何處驚傳輾地聲
隔河塵擁小車行

宿遷阻水述懷

嚴霜初戒寒晏陰
已成剝河水遇風堅
稜稜如劔鏑
舟子望風靡
停橈倚川曲
杪歲苦淹留
虛

舟任漂泊益歎行路難轉憶故園樂負暄就前
楹圍鑪坐重幄呼兒發新醅三五遞觴酌伏臘
過西隣咲談盡一握此事真復娛念之仍感觸
胡爲忽去茲兩地成寂寞

沛上有懷立德弟景暘姪

旅泊經宵幾夢君夢中愁緒轉紛紛沛河南下
迷遙望越鳥西飛念故群開迹四方憐有志行
年三十媿無聞蹉跎漫訝長安遠引首微茫見
五雲

半山藏稿

天卷二

十三

贈羅蒼楚陳月湖

傾蓋仍天末聯舟向日邊榕城雙玉樹清廟兩
朱絃陳寔英聲籍羅含逸興偏吐辭輝琬琰結
臭並蘭茝邂逅初分席殷勤願執鞭鵬圖應遠
振鴛駕恐難前激賞欣同調扳依信有緣更期
青瑣闥共賦紫簫篇

閘河阻雪

鈎簾坐對雪花飛曉酌衝寒酒力微漫愛騰輝
流綺席却愁飄霰濕征衣

歲暮望臨清不至

殘年冰雪阻天涯
滿地萍踪感歲華
咫尺清源勞悵望
此身漂泊已無家

舟中觀景銘姪遺筆志感

畫舫乘閒檢舊編
簡端遺墨賸堪憐
傷心幾度仍拋卷
隱几蕭蕭獨泫然

臨清除夕柬同舟諸友

渺渺征途苦未休
星迴驚覩一年周
雲霄未射龍門策
草堃長懷漆室憂
海內衣冠欣總集
天涯鴻鴈晚相求
椒盤此夜情多慨
垂白高堂愧遠遊

半山藏稿

天卷二

十四

丁未早春

歲序三陽泰
郊原萬象新
柳栖經臘雪
梅洩上林春
履運偏懷土
逢人屢問津
誰言京邑遠
王氣鬱嶙峋

武清道中

天開韶景麗
地入朔方平
策馬遵芳甸
逢人說耦耕
河水初泮碧
柳半含青
忽動田園興
間

關雙鳥鳴

望京城

驢背春風悄林端曉月明凍消塵不動天迴鴈
聯征日耀雙龍劒雲垂五鳳城長安知不遠攬
轡欲澄清

出京別鄭秋江

握手臨衢話未終驪駒嘶斷落花風無端聚散
渾如夢遮莫棲遲任轉蓬汨汨紅塵看躍馬悠
悠滄海羨冥鴻周南流滯君應念故里鶯花春
半山藏稿六卷二
十五

雨中

柬同舟諸友

越客歸舟傍晚移偶偕仙侶坐彈棋未論勝負
輸安石且喜高談得惠施旅夜頻回春草夢江
天遙結暮雲思相逢漫訂東歸訊白下風烟未
可期

天津舟中次陽德弟韻呈陳東冶王曉山

梁月川

霽色橫波晚更新片帆搖曳度江津樗材自合

遺明世花信驚看及暮春斗酒且歡金縷唱緇
衣怕染玉京塵迢然忽有臨淵思吾欲東垂滄
海綸

舟中觀楊柳梨花偶占二絕

漕河官柳自成蹊背日回看綠蔭齊却憶來時
方雨雪平原搖落羨烏棲

梨花似雪倚林端秀色偏宜月裏看隔水香風
飄玉界漫誇桃李滿長安

王曉山招飲次韻答之三首

半山藏稿

卷二

十六

鬱鬱千林秀嚶嚶雙鳥過占詩饒酒興倚棹聽
漁歌柳色拖烟重蛙聲帶雨多扁舟如入畫一
望渺烟波

積水瀾川曲奔流殷地雷輕帆紛鳥度飄絮逐
雲來曲宴情方洽長歌望屢迴河清端可俟壯
志未應灰

天涯悲浪跡海內慶知音雅會慚依玉論交誓
斷金林翻紅雨亂隄繞綠雲深無限傷春意臨
風託素琴

次陳東冶韻

久客風塵倦逢君意氣多
新詩傳彩筆瘦影對
芳河已協滄洲趣聊爲白石歌
清宵高枕穩無復夢鳴珂

舟中對月有懷黃南華年兄竹巖家叔

春來三見月兩在渭河陰
對景慚虛度含情倍
不禁川光浮掌動柳色着衣深
望美成惆悵遵途歎滯淫
鳳簫吹竟杳雀舫去難尋
醉眺月沉浦嘯歌風滿林
枯蓬銜倒景洄水折歸心未遂
半山藏稿卷二

十七

南征志聊爲東武吟

歸途紀懷次王曉山韻六首

依依烟柳傍江樓
隱隱踈踈燈照客
愁獨夜荒郊
眠未穩驚風濁浪撼孤舟

霧靄浮空網織成
避罟蜚鴈望還驚
蹇予正向淮南去
念爾翻爲塞北征

雙飛燕子出林斜
來往銜泥逐柳花
莽莽乾坤皆逆旅
春風到處卽爲家

宵來穀雨送微寒
寂寂姜帷旅夢殘
往事關心

驚逝水清源橋下聽潺湲

予髫年患痘
寓居臨清

漫着浮槎學遠游薄霄今已媿雲浮燕山越嶠

瞻依迴欲擬張衡賦四愁

陵上之栢何青青移植古廟棲仙靈輪困空負

干霄器偃蹇荒墟搏翠屏

臨清聞警

關河促歸程潢池忽聞警妖氛翳中原天狼彗
東井承平玩戎機艱危保首領誰分九重憂坐
鎮四封靜月暗烏亂啼豺狐竟昏暝戍堞咽悲

半山藏稿

卷二

六

笳畏途劇飄梗憂國并懷歸中宵竊耿耿

南還睠念山居言懷詒同志四首

春源何蕩漭游子歸路漫烈風晝夜號况乃舟
人歎回首睇白雲因之念家園山川變初景花
林發新繁此中多隱彥時復過盤飡行矣歸去
來且盡杯中歡

昔往霜雪繁今來柳依依時序倏代遷感此惜
居諸昏雲蔽白日在在津梁迷彼岸未可登遲
歸忽愆期桴海非所志去去將何之且復和天

倪西山行茹芝

朝發河西源暮宿桃花口舟行豈不迅猶在歸
心後修途五千里十年四奔走攬鏡念衰顏二
毛忽在首惟餘子牟心聊復返巖藪匪附青雲
客何以施永久

混沌本無事末路多識知宵人貪天功達士能
知幾所貴順元化何心牽合爲譬彼鷄與鵬飛
止各有時抗策還南山棲自枋榆枝靜言養脩
翎濯濯向天池

半山藏稿

卷二

十九

舟出闡河次陳東冶韻

欸欸微風約柳花徐方雲物望中賒長空暮倚
昆吾劍新水春浮博望槎大澤微茫餘王氣高
臺栖泊鎖烟霞故山南去滄溟近頰首長途悵
物華

淮上與陳東冶王少冶梁月川分舟短歌

贈之

淮南寂寂春已過沙洲新綠滋蘼蕪登艫振衣
眺落日夕霏瀲灩橫金波綺席聯芳藻青絲引

玉壺舉杯得新月一笑朱顏酡眷茲一日雅並
涉萬里途苦樂與君共慷慨爲君歌逝波趨大
壑流光馳纖阿良辰并佳會俯仰能幾何君將
弭棹秦淮里予亦乘風渡揚子三山京口競奔
迴雙闕雲間相對起壯觀憑紆湖海豪居停喜
值東南美後湖此際盛紛華相約尋芳弄烟泚
夏日雞鳴山房

越歲倦征途尋幽此投跡衡門結翠陰複磴滋

苔碧豈翳陟降勞樂與煩囂隔恰恰鶯語嬌裊

半山藏稿

卷二

三

裊爐烟寂午夢到華胥沉吟學莊鳥此地足逍
遙胡爲事咄喑

晚步

過雨蛙聲遍草萊斜陽倒景見香臺振衣晚憩
藤蘿外間與山僧步綠苔

齋居

竭來游上國小隱寄沙門習靜探金籥逃虛悟
漆園天香流法界谷籟雜禽言自爾喧中寂還
應知者論

憑虛閣

傑閣懸崖一徑通
閒來長嘯倚晴空
迢迢城闕烟花繞
奕奕河山錦繡叢
弔古臨風懷謝眺
登高欲賦媿揚雄
回看六代興亡蹟
縹緲浮雲悵望中

鷄鳴山秋厓上人先君舊主其舍暇日過

憑虛閣訪之賦贈

訪道名山得遠公
清脩慧悟許誰同
留賓話舊開香積
對境談玄了性空
花徑頻迴高士駕
天半山藏稿入卷二
風時引上方笏卜鄰近就青巖
曲尊酒相過興未窮

登報恩寺塔十二韻

寶塔凌空起莊嚴
冠尚方由來神斧斲
移鎮帝城旁
影倒秦淮碧
標含鷲嶺蒼
風鈴驚鳥度
雲棋矗龍翔
坐見豪光燭
應知舍利藏
中宵看火樹
慧日閃金芒
露浥丹青麗
風行草木香
岡陵餘王氣
功德憶先皇
絕磴盤雲上
中原引望長
目紆青塞路
身在白雲鄉
恍若超三界
悠然洞

八荒已知窮壯麗還訝出蒼茫

燕子磯弘濟寺紀游四首

海燕西飛去不回空遺磯石枕江隈徜徉漫擲
任公釣影動扶桑海若猜

一片澄江浴日明海門東望是蓬瀛雲梯高策
盧敖杖鷺嶺時聞子晉笙

摩天群峭碧玲瓏壯觀緣憑造化功薄海雄開
龍虎宅懸厓倒綴藥珠宮

郊原餘靄半晴陰散轡行穿綠樹林靈境芳辰

半山藏稿

卷二

三

難並得况偕仙侶此登臨

書鴻鵠高枝卷贈如臯尹劉君

鷓鴣得腐鼠躊躇顧烏號啁喧野田雀挾飛搶
蓬蒿豈知鴻鵠志一舉赴長飈高棲若木枝脩
然肅奇毛翳君秉英植意氣橫紫霄竭來止荆
棘製錦試江臯拙宦鮮時好撫字多心勞化流
聲已振身詘道逾高世路劇險巖宦海殷波濤
禍福逶倚伏達觀任逍遙余行苟無關遺榮道
所褒曠然違贈繳乘雲恣游翔顧彼群鳥雀趣

舍何相遼

雨花臺

梁帝談經駐翠華傳聞此地雨天花散花落地
終成幻往事令人空嘆嗟故國春風遺燕雀群
峯靈氣隱龍蛇停驂欲問西歸路回首臺城聚
暮鴉

晚宿報恩寺翼晨游天界碧峰諸刹

晚來避暑憩西禪晨起看雲興渺然偶愛棠陰
穿夾道並飛芝蓋歷諸天博山日午沉香焰蔭
半山藏稿入卷二

三

葡萄春茸散彩烟到處不煩霞外俎竭來已備杖
頭錢

遊牛首山

龍從雙闕倚層霄嵌碧珠宮引望遙洞口真人
不可見雲間釋子坐相邀懸知法界無真相俯
瞰峰文欲動搖共遡烟霞窮勝迹漫因功德詫
前朝

獻花巖

靈巖猶着獻花名聞說高僧此締盟寶炬流丹

光石室古苔分碧翳山楹松窓暗射扶踈影泉
竇時聞淅瀝聲歡賞未須愁日暮興來却憶盪
雲行

自牛首晚過祖堂

牛山窮歷覽鷲嶺更徘徊巖翠迎驂舞霞文拂
袖開檀林通覺路蓮座軼浮埃已定栖禪處何
妨落日催

宿祖堂贈海天禪師

披雲游竇地入社訪名緇別院焚香處禪皈入
半山藏稿

卷二

二四

定時高談空五蘊妙悟得三支久負沈冥想相
將汗漫期

游靈谷寺

入門松檜雲垂幄繞徑烟霞錦作茵地隱居僧
能愛客草深游鹿不驚人久淹世網慚真度坐
對菩提悟正因試借巖前功德水憑君一灑六
根塵

書東陽陳君文溪卷

隱居卜築文溪曲水石滌洄清可憐野鷗相對

少機事槁梧獨據排冥筮逍遙已得滄洲趣徙
倚長歌泌水篇倘遇金華牧羊子相期散髮弄
潺湲

游徐錦衣西園

中山貴介開朱邸近郭名園占翠微嘉樹巧當
游鳳館新荷半覆釣魚磯歌傳郢雪迎貂集簾
捲湘雲放燕飛自古金陵歌舞地只今行樂倍
光輝

書山海圖慶楊封君杜夫人雙壽

半山藏稿

卷二

三

我聞巫山十二峰雲間削出金芙蓉錦江西來
繞其下靈源直與滄海通楊子繪圖祝雙壽驅
山走海羅堂中巨靈晶光驚噴薄宛似蜀山渤
海相臨衝川岳扶輿閔清淑海棠香國多華宗
隱君家世出弘農安恬履素游鴻濛釐嬪更屬
少陵裔蒙褱雜佩何種種霸陵山中同隱操鹿
門隴上追高蹤藏身自比巖下豹生兒並號人
中龍洛水孕程豈專美眉山毓蘇今載逢德星
一簇射巴水斑衣五色翔葱隴齊壽椿萱濡湛

露聯芳棠棣輝春風披圖染翰媿雕蟲望雲引
手祝華封山高海深不可極眉壽偕老同無窮

贈周洞巖劉見西張葛野諸同志

就蘭有遺芬近朱恒得赤物性由漸摩友道貴
薰炙卜子念離羣尼父示三益緇衣託鄭謠盍
簪著姬易維子敦古訓周旋式無斃鼓篋慶休
明結交盡英碩予方感嚶鳴何緣奉良覲眷爾
接殷勤倏焉語離析投分追後時興言抱遺惜
同心利斷金寸陰寶尺璧與子競勉旃相期在
半山藏稿一卷二

夕惕

雙壽詩爲楊太史父母賦

彤雲杳靄護巖扉中有仙翁住翠微丹鼎瑞光
含絳火瑤池爽氣動斑衣雙星南極晨猶炯叢
菊東籬晚更馥遙指海山應駐景還看珠玉載
相輝

郭東逸叟爲雷給諫尊公賦

封君蕭灑宦情闌杖策歸來賦考槃松菊穩棲
三徑晚烟波獨棹五湖寬雲間仙躅叅麋鹿谷

口清芬集鳳鸞更喜夕郎傳素業佇看風采動
朝端

別楊方石歸西川三首

爲問西行路若何瞿塘巫峽幾時過峨眉山月
秋偏好坐泛空明聽棹歌

秣陵江上送歸航西望蠶叢鳥道長憶爾登堂
稱壽日東籬正值菊花黃

憑君問訊錦城東爲報元方太史公往日明光
廷諫草予方收貯碧紗籠

半山藏稿

卷二

讀盛山汪公詩四首

仙翁乘化返丹丘湖海詩篇爛不收秀句一塵
元不染應知濯向錦江流

世人誰復測沉冥天漢高懸處士星讀罷瑤篇
還擊節踈窓落月想儀刑

習隱墻東不記年詩名當日滿西川青雲有子
能傳業寂寞何妨白未玄

高士風流夙所欽芸窓何幸獲瓊琳發棧賸見
烟霞氣擲地當爲金石音

別汪大池歸蜀

秣陵首夏初聯席萍水先秋又拂衣兩地看雲
成悵望幾宵步月共清輝山中高會今誰在海
內知音漸覺稀獨抱瑤琴歸錦里漫因離索委
金徽

書貞烈卷

光嶽千年正氣歇青史班班幾英烈詎意笄緯
粉黛人慷慨捐生挺奇節憶昔群盜擾西江萬
戶千墟劇騷屑旄倪相望逐旌麾痛惜蛾眉困
半山藏稿 卷二

顛越自許將身碧玉如忍使青蠅暫汗蟻夫身
委鏑已先徂妾命如絲待何決叢棘懸崖豈足
危隕首糜軀誠所悅絕壁空招竇女魂悲風誰
弔虞姬血君不見清風嶺高巖業血痕點點棲
荒碣千古莓苔字不滅

碧泉爲玉山毛君賦

懷玉紆仙境綠崖引碧泉深渟涵壁瑩細沫散
珠圓液滲天漿冽濃凝石乳鮮蒸霞溶靄靄滴
露淨涓涓影倒千峰峭波縈七澤連朝宗還赴

海習坎竟成淵孺子滄浪咏莊生秋水篇何當
泝薌瀨散髮弄潺湲

書慈節堂卷

婉孌中閨秀艱危烈士心鴛幃孤影寂鳳鈿翠
光沉百鍊曹姬志三遷孟母箴盛年甘苦節曠
世振徽音壁隱機絲靜庭羅玉樹森佇看花誥
錫詎羨栢舟吟

丁未九日永康舟中

幾年結跡在丘壑每遇重陽亦自娛豈謂經年
半山藏稿卷二
猶落魄遂令佳節竟虛辜喜添綠水迎歸棹爲
憶黃花問濁醪聞道竹林稀舊侶故山恐已就
荒蕪

半山藏稿卷之二

半山藏稿卷之三

永嘉王叔果育德著

詩

戊申早春山居

暮倚寒檠倦廢書攬衣延眺歷前除蕭蕭翠竹
干霄上矯矯青松濯露餘種菊預應茁舊圃引
泉還自決荒渠日長課罷多幽事漫向空齋賦
索居

寄徐湖濱

半山藏稿卷三

乙
包詩卷

丈人手持秋水篇小築臨清隔世緣萬頃玻璃
明不夜一川風月趣無邊烟中時把任公釣雨
外頻移范蠡船回首滄洲吾道在拂衣何日弄
潺湲

石室上人將入定過予山中言別賦贈

飛錫過丹丘談玄盡日留散花臨曲水聽鳥隔
林隈卽擬超三界還應謝四流遙憐匡坐處滿
室慧香浮

贈周芝澗二首

仙都有名山芝澗出其陽軒轅曾酌之乘龍升
帝鄉復有茹芝翁逍遙澗之旁饑餐白石英渴
漱龍津芳臨流橫素琴長嘯眇八荒神霄一何
峻白日將翱翔寄言王子喬躡迹同蓬桑
燁燁澗畔芝泠泠澗中水臭味雖不同喻交乃
相似伐木久不作古道日已矣太息今人交甘
言洵如醴一朝谷風生芝蘭化荆枳而君多道
氣邂逅見衷裏願言崇令德象帝貴太始

山房病餘讀叅同契

半山藏稿

卷三

二

青

病裏懷三靜牀頭枕一經偶因清夢覺頓燭道
心靈閉戶含風氣垂簾候月明千秋風葉盡到
此寂無聲

書濟川舟楫卷贈郡司理黃公擢南戶部
金陵自昔稱佳麗城闕岩堯浮王氣萬戶春風
雜管絃九衢芳草交銜轡日暮江東隔雲樹渺
渺仙槎此中去白鷺洲邊擁翠旂鳳凰臺上賓
芳馭眼中六代繁華地策馬相追日流憩放衙
退食有餘閒弔古悲歌無限意君才磊落焱魂

琦一麾佐郡甌江湄南州式見頌聲作北闕俄
承彩檄馳比來紫氣帶龍文黼屨懷賢意正勤
聖朝創守重根本雨露不斷南天雲丈夫志在
恢弘業榮進何須論遲捷不見巖阿版築人一
朝夢賚爲舟楫幾歲滄溪卧叢桂風雲已慶明
良際四海風波總未平騫騰撇涉須君濟

松下騎驢

積陰欣晚霽夾道起鳴蟬拂袖臨丹壑乘驢控
紫烟聯驅芳草地散步夕陽天試問旁觀者何
半山藏稿一卷三
如孟浩然

端午觀競渡

湛湛芳湖水平嘈嘈兩岸歡聲日暮雙龍正鬪
一溪烟雨初晴

游杜畝

相國衣冠何處藏空墳寂寂隱松篁玄臺漸覺
丹青舊豐碣猶遺翰墨光載酒喜逢黃菊候問
途遙指白雲鄉日斜未盡登臨興更欲移筇歷
上方

九日騎驢登前岡

曉起臨池弄碧湍更携杯榼走重巒慣乘鐵獺
穿松過笑折茱萸帶酒看古洞埋雲窺窈窕澄
潭交樾暎高寒勝游耐可誇雙屐抵掌高歌興
未闌

張南明表兄過訪山中酌月

甫罷芳林賞還爲清夜游論琴思激楚飛竿助
談優零露霑衣潤疎星拂樹流蓬壺宛可卽逸
思欲橫秋

半山藏稿

卷三

四

陳友山林後山有約登高走筆招之

秋到山中爽氣催况逢佳節思悠哉松間石徑
緣初埽水上芙蓉已徧開剡曲興高應不減小
山賦就若爲裁候門稚子瞻雲迴佇望飛轅谷
口來

已酉中秋沙城觀潮

有約觀潮竟不違高秋涼月澹人衣魄當銀漢
光初滿影落金波露未晞靜夜魚龍驚出沒遙
天島嶼見霏微橫堤一望真奇絕擬向乘槎萬

里歸

九月望秋夜同諸君步月就松下觴之

散步出衡門悠然發清興商飈動高林繁陰委
芳徑四瞻列宿垂一展遙空靜月從松際看逾
覺清輝勝呼酒集朋儕列坐依雲磴占詩促羽
觴行次迭酬應爲歡總未央所憂在鉅磬圓景
有時虧嘉會難屢并流光去若馳且盡今宵醒

由峻島入城

初日照曛曠騎驢度遠峰蹄攢翻露草巾拂掛
半山藏稿

卷三

五言
包

巖松有約舟先待無人確自春偶值山農穫攢
眉說歲凶

游尖山龍聖寺

嫋嫋烟蘿圍寶地霏霏香靄布璇宮清溪映帶
千峰合蒼谷逶迤一徑通饌客漫勞供野簌應
門喜見有禪童晚來欲借青蓮榻半卧淵明對
遠公

龍翔寺訪石室上人

問道叩禪關聯鑣遡碧灣興隨清磬發目送斷

雲還定久應生慧觀空豈是頑相看醒大夢勞
擾媿塵顏

飛翠樓爲姜斗山賦

隱君樓閣倚林端窈窕朱櫺敞麗觀半壑陰霏
浮掌動四簷空翠洒衣寒松簧不斷含風聽竹
黛偏宜帶雨看况爾高談能奪席令予劇想一
憑闌

壽封君項翁八旬

五花荐被天墀錫八袞新添海屋籌畫錦堂開

半山藏稿

卷三

六

三百五十六
毛

春色麗華封祝獻綵雲流瑤池望信傳青鳥渭
水忘機伴白鷗漫佇安車來上國且將秘籙問
丹丘

重慶四壽爲少叅譚公賦

君不見西嶽諸峰高入雲峨眉秀拔尤絕群崆
峒陵歷不可極白日照耀藏風神太白峻層屹
天柱錦江垂練銀河分左有仙人室右有玉女
臺靈氛鬱鬱杳無際古來嶽降能生才羨君應
靈產其地鴻裁一振夸人世載觀三葉迓休徵

由來帝錫昭純懿丹丘窈窕開福庭玉壘翠氣
通青冥武陵相從躡高躅看弄碧水窈花明况
聞千歲桃初熟曾向瑤池薦醽醑西望峨眉洽
隱淪美人婉變顏如玉二翁燕坐漱玉津列仙
彷彿時來賓回看二母踞雲幄宛與神女同續
紛忽然丹壑羅芳芬飄颻飛下金鳳凰明明一
朝生羽翮乘風直入天池旁口銜天液出南海
禎奇一吐成雲靄有時歸泛三峽船滿堂垂白
迎萊彩君不見眉山之瑞曠古無一門四壽疑
半山藏稿六卷三

七

三十四

天和三蘇英譽更誰似由來人傑多徵符君家
應期履重慶地靈天瑞知先定羽化探元豈足
論別有仁方能永命三翁翺翔白雲岡二母委
蛇碧玉房君載襜帷旬海嶠憑雲遙祝時相望
我作峨眉歌詎擬岡阜章坐憶雲臺進羽觴歡
樂遼遼殊未央

庚戌恩榮宴有述次嚴相公韻二首

昭代車書萬國同瓊林宴賚肅磐鴻拜嘉只尺
依天表際運豐亨慶日中內醞御香杯泛綠曲

江春色珮沾紅自憐此日承恩渥敢負他年許
國忠

僊風春拂杏筵開星弁續紛集俊才燁燁奎光
騰紫極葱葱雲氣護蘭臺望中境入疑蓬島謹
處聲聞訝地雷何幸叨塵嘉宴末瞻恩欲頌漫
遲迴

贈鄭篁溪司諫督學江右

幾年聯珮侍承明聲采翩翩動玉京焚草故隨
唐補闕談經新集魯諸生夜占牛斗龍光近秋

半山藏稿

大卷三

八

三言

入匡廬客夢清不是君王疏耳目要令多士識
儀刑

出郊

首夏郊原暑氣微芳游初試芰荷衣出門頓覺
紅塵遠倚馬遙看綠蔭肥滿眼園陵圍灌木諸
天鐘磬出林扉堪憐到處多芳艸莫訝前村已
夕暉

晚憩華嚴洞

誰闢藏經處穹然一洞天雲深埋寶相石圻現

青蓮坐月依雙樹臨風憶五絃願言分半榻向
晚共棲禪

碧雲寺宴集

芳樹碧連天尋幽此躔延石淙懸磴瀉雪竇倚
雲穿興至清歌發風迴梵樂傳羽觴飛片片賴
有酒如泉

香山來青軒同侯項二友小酌

息馬穿松叩梵關憑軒意共野雲閒玄陰倏合
尊前兩翠色平臨几上山爲問傳衣傷往事誰
半山藏稿卷三九
能脫屣謝塵寰且須對酒恣歡賞莫漫逢人說
大還

同年沈繕部遣酒殺至香山走筆謝之

丘樊深處隱香臺日午聯鑣拂樹迴馬上回看
青嶂合雲間忽見白衣來山陰逸少饒新興江
左休文故妙才已有金卮堪助賞漫勞玉趾更
追陪

賦得一清泉送陳一泉南歸

我聞容成太玉之洞天洞門洄注一清泉萬竅

溶溶逆鱗眼一絲裊裊垂龍涎釀醪有芳味煮
茗清香偏行道試一勺頓覺煩想蠲源頭渺渺
竟莫測傳聞此洞棲真仙疑是丹成拋鼎去留
此璠液以消消虎丘井金山泉一經品第天下
傳此泉固知非凡品况在福地開仙源世人於
味但染指選勝誰將續酈元君家故住此山下
餘波直繞花堦前墨池飛霧濺翠管華蓋倒影
涵青蓮潛通鴈沼浴日月遠滙龍首興雲烟送
君都門正酷暑令人渴吻思潺湲何當開襟一
半山藏稿 卷三

十

頁六

濯坐苔石風生兩腋心泠然

送戴金峰司教惠州

先生鬢序蚤蜚聲予也論交屬後生獻賦幾年
同北上承恩此日獨南征坡仙遺化知猶在鹿
洞芳規賸可行預憶談經園聽處春風滿座列
群英

壽庫部計蠡南尊公

仙翁口誦紫霞篇一室焚脩思獨玄架上絲綸
初錫命壺中甲子已周天靈芝夜長元陽洞彩

紱春輝介壽筵萬里瞻雲何以祝蠡湖風月故
無邊

題畫竹

誰寫淇園植亭亭玉萬竿晴空翻翠葆靜夜度
青鸞勁節凌霄上清陰拂座寒此君原不俗况
復月中看

送座主翰林閔公督學山西

幾年簪筆侍明光乍奉天書向晉陽雅望久知
歸董馬遺風應及見陶唐文旌遙指龍門道繡
半山藏稿卷三十一
服猶沾鳳署香悵憶春風方侍坐不堪回首限
河梁

送鄉友鄭晴川南歸

結束吳鉤出帝鄉飄飄仙旆帶恩光雲橫苑樹
頻回首酒在河橋好盡觴曉日江蒲迎雀舫秋
風海錯集魚梁羨君歸泛晴川上簫鼓中流樂
未央

岫雲詩爲同年江兩厓尊公賦

吾聞白鹿洞西有老翁翩翩鶴髮顏如童身謝

紅塵棲谷口坐當碧岫羅庭中庭中雲氣互吞
吐杖藜出入時相從舒卷無心懶作雨飄飄不
繫還隨風顛景倒映天池水玄陰倏駐香爐峰
盈虛變態信無常來往長依丹岫旁氛氲五彩
結不散此中疑有神龍藏神龍在淵試一躍四
山雲靄何茫茫有時從龍作霖雨會見神功霈
八荒

七月望京邸對月二首

涼颼一拭暮雲收坐見遙空皓魄流怪底清輝
半山藏稿入卷三

十一

三十一
毛

偏絕勝由來此夜亦中秋
單衣對月覺蕭森旅館逢秋倍不禁却憶故園
當此夕各天未上是晴陰

雙壽詩爲陳龍白太史父母賦

東圖開壽域南極藹祥光純嘏由天錫休符應
德昌引年榮漢傳垂裕慶周姜象服還偕老文
占蚤定祥鴻儀同肅肅鶴鬢兩蒼蒼累薦金閨
籍幡歸綠野堂持盈思抑損惟道卜行藏桑梓
遺恩渥山林化日長鑑湖同徼賜陶徑已開荒

洛社高風在燕山世德彰太和臻保合福履納
平康弧悅懸華閣笙鏞隱洞房遐齡稀有初
度及辰良菊綻秋方老花明春載陽宜陳三壽
賦爲介萬年觴青鳥瑤池降黃流玉瓚將東皇
迴日馭西母調霓裳劫外瓊花老眉間道氣揚
雲璈賡入調石髓遇成漿叩竹何須致蟠桃定
幾嘗潘輿承燕喜萊彩儼成行範福由來備佺
年未可量節同筠晚茂筭與鶴俱翔連理芝生
圃和鳴鳳在岡藩邦徵德化華國盛文章奕世
叨年雅孤經仰大方未緣追杖屨幸復出門牆
願效岡陵祝憑雲意不忘

贈江右江翁

南州有高士鴻冥不可羈身依丹岫隱心與白
雲期服食攀三秀逃名賦五噫行看躋耄耄亦
復混希夷

送葉鹿門之唐府良醫

禁柳飄颻白露餘煌煌京洛拜恩初幾年御鼎
躬調餌此日王門暫曳裾佇想仁風行紫陌兼

聞古蹟隱蒼墟宦游不減登臨興試訪隆中舊
草廬

送王南山貳寧州

俄聞新命下瑤墀試向黔中問路岐萬壑西來
橫地險雙旌南指逐雲移海邦近寶觀清操荒
服來庭仰德施佐郡君家曾歷試佇看繼美奮
南陲

部試秋月

殘暑初收白露零三秋對月在瑤京影當瑤漢

半山藏稿

卷三

十四
三百五十六

毛

渾疑濕色映金屏倍轉明薊北征夫占虜候天
涯游子動鄉情長門此夕難成賦風送霓裳第
幾聲

聖旦早朝

斗柄西垂月在庭披衣引騎候鷄鳴金根電轉
千門闢玉仗星羅百燎明湛露均濡叨晉錫彩
雲低駐護乾清微臣竊有祈天祝願并韶鈞作
頌聲

同房諸年友會于天壇病不赴柬鍾郭溪

年兄

夏日懷仙侶乘風憩舞雩文園方在告雅會未能俱結駟尋瑤草憑軒倒玉壺彬彬胥宴賞念少一人無

書芝麓春榮卷壽許子峻乃翁

仙郎身寄五雲邊東望瑤池敞壽筵獻歲喜逢初度日馳恩適際古稀年漆園古樹春秋永玄圃靈芝雨露偏天錫湖山難老福百年杖屨羨游僊

半山藏稿

卷三

十五

三百四十三包

中秋賞月時寓給諫東華弟官舍

每歲逢中秋不欲成虛度人事與天時往往嗟錯迕茲辰在京華獨坐懷良晤偶赴西鄰招斗酒集朋故穹宇淨纖埃團團月東吐寶鏡雲間飛皓魄杯中墮徘徊愛清光蕭森怯零露寒蛩鳴草根唧唧如欲訴孤鴈來何方迴翔薄雲路因之念離群愴惻抱衷素美人在各天徙倚空延慕

答項思湯

一別勤相憶逢人說項斯自憐樽散質謬辱惠
莊知文藻驚流葦烟霞入夢思問君歸舊隱掃
徑預相知

書樂邑趙君安愚卷

舉世皆混濁伯夷乃獨清舉世皆沉醉靈均乃
獨醒所貴特操士不與俗俱營渾沌既已鑿奇
巧日縱橫談天與雕龍變幻倏難憑而君尚韜
晦不與群智爭掩跡畎畝間顧以愚自名無競
衆所與隱脩德乃馨蚤著鄉曲譽頃膺郡伯徵
半山藏稿 卷三 十六
爰知爲善利收之在沈冥春陵拙用賦洙泗愚
見稱山木不才壽膏焚惟厥明美哉安其愚滋
以全吾生

書懿德流光卷

綽約神仙侶蕭森松栢姿盛年甘苦節永巷守
清規百鍊曹姬志三遷孟母慈華光沉翠鈿芳
蔭長金枝肅肅鷄鳴什振振麟趾奇天潢滋衍
派風木賸遺悲戚畹歸坤德宗藩仰母儀還應
彤管紀詎羨栢舟辭

送張南溟上舍南歸

此日張衡賦遠游瀕年負笈及返南州坐憐金谷
虛高會悵望銀河隔素秋萬里庭闈遙入夢三
邊烽火贖堪憂羨君歸去饒家慶歎我周南尚
滯留

送金存菴年兄之南駕部

朔風催水堅飄霰忽已疑彤墀拜新命夙駕東
南征南望金陵邸雙闕何崢嶸渺渺長千里峨
峨石頭城睽茲根本地留守屬匪輕簿書幸稀
半山藏稿卷三
十七
簡鄉關况可憑既遂祿養志還兼吏隱名雲山
暎粉署芳草閒訟庭端居屏紛雜于以結幽情
靜中會有得用處迺可徵逐逐觴酒間彼哉徒
沉寘

題湖州施君北源卷

我聞崑崙之山控北極靈源直與銀河通懸流
噴薄幾萬里古來好事誰能窮滔滔南駛無時
休餘波滙入苕溪流主人結屋倚清瀨錦鳧文
鵜相翺游有時解帶晞風前濯向洪流五色鮮

予亦乘槎天上客更期共遯斗牛邊

茅山紀游十二韻

福地烟霞古丹丘日月偏焚脩通上國巨麗冠
諸天雲矗三峰秀厓傾一徑懸具官浮瑞靄芳
沼濺珠泉洞隱燒丹竈阡遺種木田真詮不可
問靈跡向依然玄鶴空中舉斑虬象外騫銀床
虛抱月玉壘靜生烟仙樂臨風奏芝絨濯露鮮
陰霏瞻壑動複磴躡雲旋振策窮幽勝樞衣禮
上玄試歌招隱曲聊續遠游篇

半山藏稿

卷三

十八

一百十四

半山藏稿卷之三

半山藏稿卷之四

永嘉王叔果育德著

詩

辛亥春日同何春泉掌科林新菴中舍游
西湖

十年不到西湖上此日清游春載陽吳苑亭臺
重入望蘇堤桃柳尚含芳蘭橈蕩漾和烟渡羽
蓋參差傍日張醉後不禁懷古意喜偕仙侶足
徜徉

半山藏稿

卷四

一

中秋寓縉雲公館是日別巖中川陳理卿
景晦姪對月有懷

旅館逢秋節愀然憶故鄉倚看松掛月愁對酒
盈觴宿鳥寒驚夢流螢悄度光雲天勞悵望彼
美在何方

丁孤山憲副招飲西湖即席奉酬

六橋烟景真奇絕况有飛甍俯碧灣潦倒何緣
追雅會清虛一望隔塵寰諸天隱見憑闌外萬
古興亡抵掌間莫漫臨風增感慨祇應酌酎對

孤山

登金山寺二首

大江浮寶地，慧日耀珠宮。
引手三山接，褰帷四際通。
恍疑躋絕嶠，卽欲馭長風。
到處論形勝，茲游詫獨雄。

貝刹中流峙，乾坤信偉觀。
陪都門外險，法界眼中寬。
石勢含波動，潮聲帶雨寒。
乘風聊弭節，倚檻試呼龍。

艤舟維揚待張甌江表叔同發

半山藏稿

卷四

二

旅况搖搖怯路岐，高秋風色動襜帷。
南窺不見青鸞度，北向空憐彩鷁馳。
倏忽離鄉經月後，淒涼矯首望雲時。
偶從淮海需津遣，底事連朝未解維。

九日寓維揚不赴諸公登高之招適聞淮

泗寇警感賦

憶昔茲辰在玉京，詰朝候疏入承明。
蚤承使命趨南服，轉逐仙槎賦北征。
列郡未消魚鼈患，鄰州仍被虎狼驚。
登臨漫訂龍山約，慷慨誰當渤

海行

書巖野卷贈江都閻春元

野遜喬蹤客巖棲夢賚賢未膺金馬詔閒誦白
駒篇淮海名方藉文園賦蚤傳看君舟楫具應
待濟商川

淮水汎溢乘舟入新城訪友紀事十韻

怪見江淮水汪洋接四天居氓如坐井陸地總
成川野穡秋無望村庖午未然通闌稀馬跡頽
壁上蝸涎墊溺誰能拯流移更可憐九衢舟盡
半山藏稿 卷四 三

變遷

張甌江表叔新製拍板成索諸友題贈刻
之戲占一絕時張以尚寶謫官淮運

句板頻催悵別筵新聲低按紫簫篇春風吹入
昭陽去應念當年李謫仙

甲寅秋日游仙巖訪石室上人時方舉廢

喜而賦之二首

爲愛溪山勝來游不厭頻
瀑花疑濺雨洞室可延賓
葱嶺留仙蹟曹溪結淨因
何當飛錫至寶樹已先春

翠巘圍蘭若丹霞隱洞天
廢興千古慨靈秀十方傳
卓錫開初地傳衣念宿緣
誰能超累劫卽此共棲禪

寓茅竹山菴作需于亭於嶺麓二絕

幽棲同谷口跬步卽玄林
頓覺煩囂隔道遙足

半山藏稿

卷四

四

賞心

小構倚山嵎行行藉休憩
往來但憧憧誰解需于意

題龔郡公鴻洲卷

渺渺章江接漢流江門新漲白蘋洲
高秋鴻鴈蜚還集長日烟波望轉悠
遵渚漫思彭蠡陣隨陽終向上林游
雲霄萬里看橫絕渼水潯陽兩地秋

題瑞邑胡君竹嶼卷

別墅開三徑叢篁挺萬竿晴空翔鳳尾春雨長
龍孫坐對琅玕淨行穿烟霧寒知君多雅尚應
愛子猷看

抱病村居郡侯龔公見訪次韻奉謝二首

江城遙接暮雲蒼皂蓋翩翩渡野塘因歷海邦
占堠堞還過村巷課農桑村居久矣稀迎送蓬
戶何緣借寵光卧病有慚東道主敢言踈懶似
稽康

踈狂自分考槃流蚤歲南宮謬見收幾向文園

半山藏稿

卷四

五

需藥裏閒從滄海弄漁舟病憐對月寒仍怯坐
憶吟風晚更悠海內于今談作者君才無敵似
楊劉

邑侯一石周公爲見鶴伯兄作亭于鶴山
之麓卽白鶴亭故址也扁曰鶴林論舊落

成宴集

東郭原留康樂名茲逢錄事草堂成松濤帶雨
秋逾壯竹黛疑烟晚倍清坐對瀟湘融妙境醉
聞禽鳥集歡聲遙憐放鶴人何在唱罷銅鞮感

慨生

子猷愛竹住稽山茂宰風流數枉攀三徑重開
芳蔭合一尊相對野情閒褰帷指點滄洲近倚
檻招呼白鶴還日暮放歌蒼翠裡不知身世在
塵寰

書郡丞黃公萱桂同春卷

郡齋高映五雲黃慶集瑤池薦菊觴堂北孤萱
宜晚秀淮南叢桂淨秋芳朱顏喜對斑衣舞鶴
髮還膺紫誥光賸有傳家仁壽術何須海上覓
半山藏稿
卷四
六

僊方

同諸兄弟宴集水心別墅東見鶴兄

吾兄寄跡水雲居恬曠由來與俗踈橘園花蹊
穿窈窕松臺蘭榭對清虛徵歌疊見傳新調習
隱時將課舊畬群季偶同桃李宴媿予才忝惠
連如

秋日過仙巖喜諸廢漸舉

結跡趨名山披衣陟玄境煥然象界新逃矣塵
囂屏古祠面水開寶塔凌霄挺叢林列青松香

臺依翠嶺羅徑通逶迤蓮房備幽靚滿座凝妙
香酌泉試佳茗淨苑久榛蕪物華茲管領移席
坐梅潭沿流泝皇井風葉逐杯翻巖瀑侵衣冷
摩厓閱舊題臨淵鑑清影夷歌調轉悠暮歸興
猶悵溪碓亂秋聲禪燈留夕景感時歲杪臨緜
經夜分靜相對結跏趺聞鐘發深省

乙卯二月七日游仙巖是日賤生四句

仙游偶爾逢初度把酒臨溪感慨生四十光陰
如夢蝶三春花柳乍聞鶯點波青鳥窺人過綴
半山藏稿卷四
七
壁丹霞映酒明此地由來多勝蹟便從採藥學
長生

芳洲歌爲院判袁君賦

城中多少繁華地園林却學江村制蘿帶依垂
接綺筵霞石平分映珠翠輕蓋朝飛趙李家輜
軒暮集金張第幽人棲迹江之洲風烟縹緲含
清秋石竇泉通尾閭脉竹藩雨帶瀟湘愁洲前
洲後無雜木年年種橘盈千頭祗同彼美尋芳
草不向傷人說素侯沙水縈迴隔塵境讀罷醫

經時習靜井底清泉可濟人
橘間隙地還栽杏
杏花開時菖葉生
秧青麥綠鳧羽輕
袖中鐵笛人不識
吹與神龍波底聽
一朝技癢太無那
醫國轉踏金門路
朝回故態忍不得
還與唐羅籍草卧
唐羅抗疏依林莽
君亦緬作洲中想
歸來風景盡依然
惟是華髮臨秋長
聞君丹術蚤通神
到處逢人話赤文
相期服食訪蓬島
共向芳洲駕彩雲

冬日予將北上再過仙巖同年劉羽泉載

半山藏稿

卷四

八

酒來會留連竟日別去有作

峭壁新通一徑偏
仙源深處水濺濺
重游喜見添幽勝
久坐渾疑隔世緣
送酒白衣來共賞
題詩青竹故應傳
山靈不盡扳留意
日夕疎林鎖碧烟

行駐良鄉次暘德弟韻

嘹嘹枕上初聞鴈
漠漠天涯得寄書
青旆踰時淹遠道
白雲何處是吾廬
輶軒絡繹真如水
邑里逃亡半已墟
咫尺承明行入覲
願將民瘼附

公車

送詹範川改任中州次見詒韻

河陽重見栽花客
燕市那堪折柳時
策馬悠悠思遠道
亡羊忽忽噪多岐
蒙茸雜樹藏朱邸
點綴新荷漾碧池
欲采群芳贈君別
停雲何以慰吾思

送曹東陽二尹之無錫

承家文學蚤知名
此日銜恩出帝京
行色迢遙芳草路
離歌宛轉故園情
三吳民力殊堪歎
四

半山藏稿

卷四

九

境烽烟尚可驚
君去催科須軫念
好教課最比陽城

送章觀海分教延平

八閩佳麗屬延平
况有名賢此地生
棧樸菁莪揚聖化
冰壺秋月想儀刑
雲山列秀如開戟
泮水分流可濯纓
宴坐高齋何所事
烏皮几上有遺經

送黃松臺判泰州

憶昔過淮南
艤舟廣陵驛
邂逅泰守君
抗談竟

日夕與聞土風美民生更殷殖拜命往茲邦爲
君喜動色此官不負君勉旃在脩職邑有高人
廬過之宜一式倚馬送君行悵望浮雲白

贈王大峻同年貳臬蜀中便道歸省二首

關中富英傑羨子蚤騰驤况屬名賢後應知世
德光承恩過梓里介壽引霞觴錦水迎慈養春
風樂未央

捧命下金鑾霜旌拂曙寒燕雲停祖席隴樹迓
征鞍且喜鄉關近何憂蜀道難佇聞敷惠化西

半山藏稿

卷四

十一

土頌安瀾

送林中洲判宿州

新命俄傳下建章雙旌搖曳向睢陽符分天北
司民稽地接淮西近帝鄉漫唱驪駒催祖道試
看驥足展康莊知君露冕巡行處他日應封召
伯棠

贈陳水心之星子簿

君家故住水雲鄉庭下春風列衆芳偶爲浮名
淹薊北更承新命向潯陽東歸象浦開韶月西

望匡廬接顥蒼佐邑行看徵德化漫教青史擅
仇香

丙辰武舉場中試二首

聖朝崇武爲邊陲拊髀常懷頗牧思莫道穿楊
能角技折衝萬里始爲奇

海內材官集彀中臨場校藝總稱雄要思當宁
遜才意好斬樓蘭報首功

雪夜汪龍洲窓兄過訪

雪聽叩門聲誰爲訪戴行流連清夜話感激故
半山藏稿卷四

十一

人情對酒徵新令談經憶舊盟看君沾醉後意
氣尚崢嶸

贈吳老峰之廉州照磨

曉出彤墀對祖筵臨岐漫賦遠游篇雙旌南指
羊城迴百粵東來象郡連船舶千家收海市檣
榔幾樹淨嵐烟因君却憶還珠事人到于今作
話傳

壽王少治尊堂時少治以秋官郎奉差使
道歸省

西曹銜使命南極麗祥光青鳥瑤池降黃流玉
瓚將高車新里閨喬木舊門墻花誥承恩疊槐
庭錫胤昌詩人歌福祿帝命祚忠良少治尊公
爲驗封郎
廷杖中抗疏鶴髮披貞素熊丸表義方松筠堪並操
蘭桂賸餘芳王母遺珍果麻姑薦玉漿年年似
仙侶共醉紫霞觴

書台友周君月洲卷

夾淑蒹葭秋水水平小窓隱几對空明婆娑桂影
浮沙動欸乃漁歌入夢清萬頃烟波同浩蕩百
半山藏稿卷四

十三

兔盟
年世事屬陰晴乘槎擬向銀河曲傾蓋將尋玉

次見鶴兄病起韻有感時事并慰旅懷

病後逢秋意未舒旅窓相對只琴書且同尊酒
歌常棣漫擬文園賦子虛勘破世緣真夢幻信
知物理有乘除人生蹤跡如漂梗汎彼中流任
所如

送張少南貳臨清

分刺名邦喜遂良都門相送故情長客裘已釋

風塵帶仙旆新沾雨露香向日褰帷瞻岱嶽乘
春擁燾入齊疆清源近接金臺路早晚賢聲達
建章

過平陰東梁後川寅丈

乘冬遊岱嶽傍晚過平陰昨爾纔分袂何期此
盍簪風烟寒歲促尊酒故情深試訂登高約先
傳下里音

丁巳冬日登泰山

憶昔重華君東狩茲望祀登高小天下曾有宣
半山藏稿卷四
尼氏斯人千載上高山同仰止謬哉秦漢皇封
禪徒宣侈弔古有遺思俯瞰浮雲駛

留宿泰山

祇役遙乘傳憑高一振衣倚峰觀日出仗策駐
雲飛曜氣連滄海靈氛護翠微貢香人絡繹爭
締福緣歸

游泰山遇同年章襟川二守同宿頂上

契闊驚時邁遭逢慰夙心塵途相勞苦喬嶽共
登臨往蹟空留石高情信斷金山齋清夜話四

望覺蕭森

贈泰安守徐願齋

與君邂逅玉京時對酒曾爲岱嶽期
忽漫不逢東道主徘徊空誦北山詩
仙游疑出人間世峻眺真爲天下奇
台鴈東南仍勝絕行當拂石爲君遲

闕里謁孔廟

帝命昌文運宗邦產素王當時環轍跡
萬古沐書香仰止宮墻峻瞻依俎豆光
杏壇沾聖化蘭室藹餘芳檜老應神護
經遺自壁藏成身思罔極稽首敬靡將
周覽爰興慨低回意不忘

半山藏稿

卷四

十四

謁孔林

饗廟環洙水玄林控魯疆一坏同嶽峙
萬樹拂雲蒼路駐祥符蹕廬存端木塲
憑高還弔古何處覓靈光

登嶧山

嶧山東踞鬱崔嵬仄徑緣厓半草萊
引手欲招滄海使回頭惟見白雲堆
按圖永作名邦鎮毓

秀還生命世才賢聖故鄉俱在目登高欲賦渺
難裁

戊午早春過呂梁同年王育泉留酌卽席
賦贈時育泉將輯洪志因贊之

百丈洪濤滾地來谿研石磧倩誰開順流還艤
春風棹獻歲初逢甘露杯水部才名真不忝蘭
亭墨妙好憑裁况君政暇多篇什應有靈光燭
上台

呂梁南望

半山藏稿

卷四

十五

二洪分宿海千里赴江門蹈水莊言寓排流禹
迹存沙洲餘凍解野樹暮雲屯望入淮南境相
將近故園

武林邂逅康裕卿以詩見貽倚韻答之

君本東南美人稱湖海豪談詩名籍籍閱世志
賈囂雲樹分征旆烟花動綵毫故山深宵處叢
桂解相招

雨中同李五華張蘆村二廉訪集太虛樓

烟雨交霏處湖山入望時憑闌真絕勝把酒更

相宜摩詰難爲畫坡翁故有詩登臨春霽好何
日復招携

金華道中

望望鄉關近油油春意融
喜看農務俶漸覺土音同
池草夢中綠巖花雨後紅
更憐歸計好白鶴伴青松

雨中過馮公嶺

羣峰合沓隱青螺石磴行盤帶
蔦蘿頰首故山今只尺計程
此地幾經過年深館吏稀相識日
半山藏稿一卷四
十六
午輿人欲就舖莫厭歸途陰
雨滯扁舟東望渺烟波

過仙巖坐超覽亭作

芳樹新開倚翠岑石壇半護薜蘿陰
珠林雨外浮香靄鷺鳥枝頭和梵音
花逕春遲紅寂寂梅屏霧擁綠森森
幾年塵土傷奔走漫對清虛一洗心

夜宿仙巖上方菴次王十嶽韻

卓錫何年肇冥棲此日求感時初入夏問劫幾

經秋石隕淵雷震窓虛樹靄浮縑經消永日對
雨且淹留

同仲弟避警上方菴時倭寇肆掠諸鄉

雙飛黃鳥止丘隅避亂空山賦白駒入夜荒林
留虎跡懸厓飛瀑瀉龍鬚兵戈紛擾何時息道
路傳聞尚可虞只尺音書成阻絕暮雲凝望轉
愁予

九日同周迪齋郡守游四明育王寺

秋晚江村歷寶坊眼中風物已重陽東籬未見
半山藏稿

卷四

七

黃花綻古塔爭傳舍利光忽報清風來皂蓋且
憑高閣引霞觴竭來未盡登臨興無奈心旌逐
鴈翔

冬日宿報國寺贈懷西上人用陳蘇山韻

長途釋塵鞅薄暮憩香臺爲問西天事初從北
極來觀心同水月守道在淵雷若悟無生理乾
坤幾劫灰

己未會試院中賦

憶昔試春闈維今已十載祇役與校文俯仰覺

欣慨昭代羅群英鑒識慚寡昧矢心對神明夙
夜良匪懈魚目混蟻珠硃硃雜瓊瑰欲求千里
良須就驪黃外惟願得真才庶以答簡在

書抗義流芳卷

垂老猶能事折衝如公壯略幾人同一身未受
干城寄四境曾收屏翰功精衛志吞滄海竭杜
鵲聲斷暮雲重殊恩豈但酬遺烈 聖代由來
欲勸忠

送邵玉潭令海門

半山藏稿

卷四

十八

磊落詞場早擅名一朝銜命試專城爲憐宓子
鳴琴日兼遂毛生捧檄情麥隴春晴看買犢花
封晝午聽遷鶯地偏吏事應稀簡卧對棠陰正
滿庭

送周東海令瑞金

君家故住碧山岑吏隱茲仍得瑞林庭署春回
芳草合檐帷曉駐白雲深虔南扶杖觀新化冀
北憑鴻聽好音引首春陵風月近知君政暇數
披襟

壽同年陳蘇山母夫人

洞庭開壽域，婺宿靄祥光。瑣闥承恩渥，坤闈衍慶長。化行江漢俗，人仰孝慈鄉。鳳誥輝華誕，熊丸表義方。詩人歌介福，游子念高堂。瑞草呈佳日，繁花映小陽。爰陳三壽賦，爲介萬年觴。冠蓋如雲集，芝蘭繞砌芳。麻姑輸寶籙，王母調霓裳。願效脩齡祝，長如衡嶽蒼。

送蔡敬齋之廣西少參

秘閣操觚早，擅名竭來夏。省喜參承慚，無仲子

半山藏稿

卷四

十九

登樓賦，虛塵中郎倒屣迎。羽檄方馳，雷石畫驪。駒忽唱黯離情，粵中山水饒吟眺。君去逢秋桂，正榮

送項思文判沔陽

共說河東三鳳祥，羨君雲路獨先翔。幾年染翰歸春署，百里分符近帝鄉。楚澤風高鴻鴈集，湘江日暖蒨蘭芳。先公遺愛流南國，到處應封召伯棠。

贈張少蘭表弟南歸

百年喬木相臣家春署占名亦寵嘉正喜趨庭
過帝里那堪判袂在天涯攀翻空憶山中桂窈
窕從歌陌上花江墅卜鄰原只尺何時共藉白
鷗沙

已未再試武舉賦二首

幾年竊祿在樞曹兩見開科閱武髦攘臂競誇
能敵愾不知誰似霍嫖姚

伯樂能空冀北羣豈無智勇冠三軍征倭禦虜
方推轂莫謂承平止尚文

半山藏稿六卷四

二

南司徒蔡可泉公徙官過家壽母太夫人
八座新開畫錦堂五雲遙護壽星光瑤池望氣
來青鳥梓里承歡引碧香東海仙桃供燕喜北
堂瑞草靜年芳慢亭都獻千秋曲鶴舞瓊歌樂
未央

送都護劉漢瞻襲職歸

虎旅將軍少俊年新膺殊錫已光前豐城寶器
初離鞘渥水神駒蚤着鞭闔外誰能當屏翰南
中尚未靜烽煙傳家忠義君應念好樹勳名鎮

海堧

送況丹湖督學貴州

蘭臺聲望斗山高羨有鴻裁翊 聖朝要使殊
方觀禮樂遂承新命下雲霄黔城桃李迎春郁
富水風煙引望遙送別正逢黃菊候采芳欲贈
思怱怱

贈李少渠中翰使楚藩

蚤承恩命自三台暫奉天書下魏臺雲護龍光
仙旆遠花迎虎節錦堂開燕庭頻繞清宵夢郢
半山藏稿卷四

三

邱爭傳白雪才未許星槎淹北上鳳凰池上首
重回

送余鯨山司教蘄州

潞河南望水雲平有客乘秋下洞庭折柳都亭
牽別意采蘭湘澤聽歌聲離筵正對黃花綻仙
旆遙隨白鴈征却憶青衿胥候集春風絳帳檢
騷經

送朱鴈湖丞鹽城

燕郊幾送鴈南飛喜拜新恩出 帝畿鸞翮漫

嫌棲枳棘鵲音應已報庭幃淮南自昔饒鹽筴
境內于今苦歲饑朱邑循良惟子惠壽陽新柳
正依依

壽鄒東郭先生

近郭新開獨樂園瑤池西望紫雲屯心通物外
春無度身在山中道益尊瑞世鳳麟欣載覩成
蹊桃李本無言百年道化流寰宇九轉三華詎
足論

魏連洲掌科父母受封歸省贈以十韻

半山藏稿卷四

三三

瑣闥承恩渥重闈衍慶長龍槎銀漢轉鳳誥絲
雲翔駟馬榮鄉閭三花引壽觴槐庭方席蔭桂
籍蚤傳芳星集瑤池宴霞標晝錦堂木公輸寶
錄金母調霓裳簾度三青鳥花棲五色凰絲衣
供燕喜玉樹儼成行桑梓情雖切風雲計未央
春明宜促駕有待賦長楊

送劉舉人還廣右

憐君獻賦未逢時獨馬衝寒去尚遲海內交情
蘭並契天涯別意鴈應知馬卿信有凌雲氣和

氏無勞抱玉悲
聖代方需調鼎手來春早赴
看花期

嘉靖庚申秋閱兵過居庸夜宿公署次盧
文溪先生壁間韻先生初與先人同官駕
部後改入翰林時余髫年侍教席屈指踰
二紀俯仰今昔悵然有作

疊嶂排雲塹此關由來天險詎能攀郵旌過往
如梭擲粉蝶透迤似玦環偶爲閱邊聊駐節近
聞退虜始開顏却憐彼美遺音在讀罷懷人彷彿

半山藏稿

卷四

十三

佛間

秋日閱兵畢兵憲粟健齋邀登八達嶺卽
事漫賦次舜澤蘇公韻

散軍聯旆越居庸引首燕雲氣象雄盤嶺行輿
驚歷險高秋倚劒欲平戎北門鎖鑰千年壯上
谷風烟一箭通且喜河防新報捷運奇制勝果
誰功

過福泉寺同紀省吾年兄晚酌池上次壁
間韻

荒涼野寺近邊城中有溫泉可濯纓萬竅迸珠
時混混一泓涵碧自盈盈振衣散步占風色把
酒臨池待月明願取餘波清朔漠洗兵何用挽
滄溟

同紀省吾兵憲閱兵過喜峰口適虜酋影
克叩關乞賞聞予二人至率其二子二女
及親屬部落來叩拜城下影克卽朶顏三
衛襲封都督近年結姻北虜外假納款以
要厚賞內蓄奸謀而爲窺伺邊臣不勝忿

半山藏稿

卷四

三

忿咸欲請上閉關以逞一擊予聞而避之
賦紀其事

喜峰雙口鬱嶙峋天界華夷自此分稽顙呼韓
稱向化閉關光武務脩文三秋邊寨嚴烽燧五
色旌旗捲塞雲寄語胡兒休放牧竭來韓范在
中軍

碧潭雷總戎之子年少善射予閱武建昌
試之因賦以贈二首

關西閱閱稔知聞渥水神駒更不群白羽聯飛

頻報鼓鞞門爭羨小將軍

將軍年少似終童唾手能關五石弓
萬里封侯他日事卽看豪氣已如虹

同孟豐麓職方燕集觀海亭三首

百二重關鎮海隈群山東峙更崔嵬
登臨莫漫誇天險經略還須屬雋才

朔雲蕩漾引飛旌碧海溇涵浴日明
吞虜未紆投筆志臨風真有掛弓情

巨海長城蔓草芊羸秦遺跡尚流傳
浪花飛濺

半山藏稿

卷四

三五

姜陵石匹婦銜冤萬古憐

永平謁夷齊廟

祇役過盧龍言尋孤竹封二難伸大義千古仰
高風北海冥鴻志西山叩馬忠春深薇葉長試
采薦祠宮

宋栗菴節推留欸清風臺夜泛河上二首

故國猶存古廟深清風颭動高林移樽共展
高臺賞興落平川晚不禁

偶同僊侶駕方舟白露橫波正早秋靜夜星文

搖水碧却疑天漢泛星槎

題王揮使甌西卷

湖海驅馳老護軍，卜居西傍越江濱。
閒凭淨几披黃石，醉倚晴窓玩白雲。
三徑尚遲松菊主，九山時集鳳鸞群。
投戈解組他年事，半席花間許我分。

送何賓巖守潮州

歲晚分符出漢曹，晴天野色淨林臯。
官程西指羊城迥，嶺表東來象郡高。
已見風猷清狴犴，還看德化擾鯨鰲。
樓船此去無留滯，早慰潮陽屬望勞。

半山藏稿

卷四

二十六

送高西渠之德藩長史

佐郡曾從濟上來，賢聲當日滿蘭臺。
岩堯鳳闕新恩下，忽漫燕郊祖帳開。
齊國共推曹相治，漢廷爭惜賈生才。
細旃日午承趨罷，妙賞清歌取次裁。

辛酉初夏同余右峰王兩溪二金吾徐養吾工部出游西郊宴萬錦衣園

窈窕名園接帝畿，偶偕仙侶對芳菲。
扶疎綠蔭干雲上，矯旒紅妝過雨稀。
爲愛清漪臨水曲，更窮妙賞歷林霏。
望中彷彿江南景，便向紅塵欲拂衣。

題太史葉瑞峰先生冊

先生雅望早登瀛，清白傳家况有聲。
千載石渠傳董業，一方山斗仰韓情。
專祠已見供蘋藻，故里堪嗟失典刑。
繼序有人昭世澤，摳衣無分悵平生。

半山藏稿

卷四

三七

贈萬廷尉父母榮封

閭闔雲垂引鳳凰，殊恩申錫動鸞行。
錦堂瑞藹槐陰匝，御苑春回棣萼芳。
世譜他年傳勝事，宦林此日仰輝光。
聖朝大典因心制，羨爾遭逢足對揚。

贈曾源川寅丈尊公

西方有美人，瑩然崑玉澤。
壯歲負才猷，觀光賓上國。
雅志抗浮雲，冥心在泉石。
圖史日相親，討論窮古昔。
經綸既有託，豈必自我績。
仗策東南

游匪徒祿養適寄傲湖海間資以廣聞識徒倚
懷故鄉眷言返初役命賞杜陵居草玄揚子宅
眉山秀在望錦江鮮可食閒居樂事并外慕爰
屏息仰觀霄漢上鳳雛振六翮

申潞石寅丈雪中見訪留酌次韻奉答

雪後方揮箏庭前忽叩門賞心宜取醉瑞應且
休論媿我同聲和多君道氣存側思僵卧者日
暮黯銷魂

送許雙塘中翰奉使便道歸省

半山藏稿

卷四

三

君家故擬竇燕山奕世承恩北斗間制草暫捐
辭魏闕皇華載賦向秦關驪駒宛轉催旌纛紫
鳳參差引珮環此去故園春正好滿城花柳足
追攀

寄趙霞山

與君燕市昔同盟荏苒星華幾變更蚤見賢聲
傳澤國俄聞新命下彤庭家園棣萼春芳靄尊
酒柴桑樂事并况有鳳毛能趾美何能鷄肋更

關情

壽庫部蔡蒼宇父母六旬

錦堂春色暎芳卮彩綬雙垂獻壽時南望仙文
輝斗極西迎王母降瑤池懸車蚤歲推高尚舉
案當年仰淑儀剩馥餘芳昭嗣服羣英已占最
高枝

送大官丞蓮岡族姪請假歸

燕京五月苦炎威一雨涼生送客歸賸喜鴉班
方接武那堪鴈翅忽分飛離筵此日情多悵訪
族他年訂不違遙憶錦旋秋正好佇看蘭玉長
半山藏稿天卷四

三五

芳菲

送王甌涯分教寧化

文苑同游憶往年一官今始寄青氈早懸征旆
辭燕闕獨綰吳鉤向楚天泮水魚龍需雨化山
城桃李競春妍羨君家學由來世好把遺經淑
後賢

送蔣龍谷分教衡州

旗亭尊酒話離悰行色迢迢向楚封衡嶽千年
雄作鎮漢江十里會朝宗春風時振蘇湖鐸細

雨清聞天柱鐘覽勝談經應暇豫寄書莫待鴈
迴峰

壬戌自武選轉官楚藩南歸過汶上述懷
首夏風猶穆長途日已西麥苗經雨秀柳陰拂
雲齊旅夢違鷓鴣造鄉心逐馬蹄馳驅已厭數此
去擬巖棲

月夜登烟雨樓二首

城西水面敞高樓四顧山光几上流乘月挈舟
一登嘯何如庾亮在南州

半山藏稿

卷四

三千

茲樓宛在水雲鄉月色低含樹影蒼聞道更宜
烟雨景何時載酒詠滄浪

北還寓西湖藕花居晚同葉益泉俞紹翠

泛湖

萬里馳驅未息肩偶因避暑憩西禪入門積翠
多芳樹近水浮香盡碧蓮問勝欲窮方外蹟僑
居且結靜中緣清風更喜來朋舊傍晚猶移載
酒船

夏日晚集仙巖憩蓮亭

憩蓮欣有榭宛在水中央
雨過添新綠風迴度
暗香詩成青壁勒酒至碧筒觴
溪碓春雲爛禪燈隱樹蒼
聞鐘醒大夢洗酌引清光
頓覺煩囂遠飄然御上方

癸亥春初至郢中適戴金峰解官歸賦贈
念爾抽簪已夙期何當傾蓋遽言辭
青氈不負平生學絳帳應牽別後思
剡曲扁舟追舊隱小山叢桂賦新詞
他年歸到甌江上海月川雲應我遲

半山藏稿六卷四

三十一

行部當陽晚過龍泉寺寺傍有胡文定公
祠墓

漳河西望隱珠林
傍晚鳴騶歷翠陰
疊嶂勢蟠如鳳翥
古潭波淨有龍吟
諸天累劫幾興廢
大地浮雲自古今
慶有名賢遺蹟在
若爲山水共高深

過景陵聖臺寺

褰帷曉望綠雲齊
小結香臺寄水西
忽漫逢僧談聖蹟
躊躇倚檻問幽棲
曲池清淺蛙聲寂
旭

日曛曠樹影低更有白蓮呈異實由來幻種自

菩提

寺有小池生白蓮結圓實而種不傳相傳有高僧臨池誦經見蛙鳴以菩提子投擊

之蓮遂變生茲實今池中絕無蛙聲

書風梧咏思卷爲留守劉岵山作

當年未遂祈天意沒世長懷陟岵私共仰勛名
依日月猶疑英爽動旌旗風行梓里留芳蔭雲
護泉臺起夢思天上春回濡雨露高岡新長鳳
凰枝

豐樂驛新成上元日晚至

半山藏稿 卷四

三三

古驛荒頽經幾春喜看輪奐一時新意中雲樹
思招隱望裏烟波欲問津漫詫輶軒通上國且
將杯酒對芳辰宦游好擬身乘傳素食空云志
在民

恭謁 顯陵

玄宮縹緲接烟霄大狩重開輦路遙曲曲江流
堂內繞英英王氣望中標林端靈露三花綴殿
上祥雲五色饒總是岐周鳴鳳地萬年豐芑頌
皇朝

過黃州同劉節推游赤壁劉名南金予已
未會試場所取士末章贈之

吳魏麀兵自有方詞人偶爾借平章蘇公兩賦
原奇絕萬古江山藉寵光

赤壁磯頭烟水平郡齋猶著雪堂名芳春行役
聊紓眺弔古臨風不盡情

弔湘人遠水空波夢雨祠荒碧蘚多君比賈生
年更少卽看搖珮步鑾坡

半山藏稿

卷四

三

10744

半山藏稿卷之四

